



«ԵՐԱԺՇՏՈՒԹՅՈՒՆ» ԱՌԱՐԿԱՅԻ
ԴԱՍԱԳՐՔԻ ՄԵԹՈԴԱԿԱՆ

ՈՒՂԵՑՈՒՅՑ

(2-րդ դասարան)



**«ԵՐԱԺՇՏՈՒԹՅՈՒՆ» ԱՌԱՐԿԱՅԻ
ԴԱՍԱԳՐՔԻ ՄԵԹՈԴԱԿԱՆ
ՈՒՂԵՑՈՒՅՑ**

(2-րդ դասարան)



**ԱՐԵՎԻԿ
ՀՐԱՏԱՐԱԿՉՈՒԹՅՈՒՆ**

Երևան, 2023

Դասագրքում աշխատանքը հեշտացնելու
նպատակով օգտագործվել են պայմանական
հետևյալ նշանները՝



Ունկնդրի՛ր



Երգի՛ր



Քայլի՛ր



Նվագի՛ր



Կատարի՛ր վարժույթուն



Դիտի՛ր



Նոտագրի՛ր



Երգի՛ր նոտաներով



Սովորի՛ր



Ստեղծի՛ր



Նկարի՛ր



Խաղ



Հետաքրքիր է իմանալ



Հարցեր

ԱՌԱՋԱԲԱՆ

1-ին դասարանում աշակերտները «երաժշտություն» առարկայի դասերին խաղի, հեքիաթի, մուլտֆիլմերի միջոցով ծանոթացել են երաժշտական ստեղծագործությունների, մեկնաբանել դրանք և անմիջականորեն արձագանքել շրջապատող իրականության ամենատարբեր երևույթներին: Երեխայի ապրում երը, մտքերն ու խոհերը, հույզերն ու զգացմունքները իրական աշխարհի հայելին են: Կրթելով ու դաստիարակելով երեխաներին և այսպիսով բավարարելով նրանց բարոյահոգեբանական, գեղագիտական պահանջմունքները՝ ուսուցիչը դրական հույզերի առաջացմամբ նպաստավոր հող է ստեղծում երեխաների ընդհանուր և բազմակողմանի զարգացման, անձի համակողմանի ու ներդաշնակ ձևավորման համար:

Այս գործում անգնահատելի է արվեստի, հատկապես երաժշտարվեստի դերը, որի նպատակն է՝ օգնել երեխային լավատեսորեն ընկալելու շրջապատող իրականությունը, ապրելու՝ առաջնորդվելով այն ամենով, որ գեղեցիկ ու վեհ է, ակտիվ մասնակցելու գեղարվեստական արժեքների և դրանց համապատասխան չափանիշների ստեղծմանը, կարողանալու բազմակողմանի, խոր և օբյեկտիվ մտածել ու ստեղծագործել:

Տարրական դպրոցում «երաժշտություն» առարկան նպատակ ունի առաջացնելու սեր, հետաքրքրություն և հուզազգացմունքային վերաբերմունք երաժշտության նկատմամբ, ձևավորելու և զարգացնելու երաժշտական ճաշակ և երաժշտությանը հաղորդակից լինելու պահանջմունք:

Տարրական դպրոցի երաժշտական գործունեության ձևերն են՝ երաժշտության ունկնդրում, երգեցողություն, երաժշտառիթմական շարժում, ստեղծագործում: Սովորողները ձեռք են բերում երաժշտատեսական և երաժշտապատմական տարրական գիտելիքներ՝ նոտագրություն, ձեռքի նշաններով կատարում, կոմպոզիտորների և ստեղծագործությունների վերաբերյալ գիտելիքներ:

2-րդ դասարանի դասընթացը (32 ժամ) նպատակ ունի համակար-

գելու աշակերտների արդեն ստացած գիտելիքները: Երեխաները դասընթացը սկսում են երաժշտության պարզ ու մատչելի ժանրերի ուսում ասիրությունից՝ երգ, պար, քայլերգ (1-ին թեմա), «Ուր են մեզ տանում երաժշտության պարզ ու մատչելի ժանրերը»՝ օպերա, բալետ, սիմֆոնիա (1-ին ենթաթեմա), «Ինչպես է ստեղծվում երաժշտությունը (երաժշտական այբուբեն)» (2-րդ թեմա) և «Երաժշտության արտահայտչամիջոցներ» (1-ին ենթաթեմա):

Սիրելի ուսուցիչներ, աշակերտների երաժշտական կրթության գործընթացը հարկ է սկսել նրանց հայեցի դաստիարակությամբ, ինչն առաջարկում ենք իրականացնել Կարինե Վարդումյանի «Հայոց այբուբեն» երգով¹:

1-ին կիսամյակ, թեմա 1. Երաժշտության պարզ և մատչելի ժանրերը

Քայլերգ

Առաջին դասարանում աշակերտները քայլերգին ծանոթանում են «Երաժշտական տնակի բնակիչներ» թեմայում, իսկ երկրորդ դասարանում սովորողներին բացատրում ենք քայլերգի տեսակները՝ զինվորական և մանկական:

Մարի Սարգսյան-Չինկեզյանի «Զինվոր»² երգը կատարել խրոխտ քայլքով և թմբկահարելով յուրաքանչյուր քառորդին:

Ունկնդրելով Յոհան Շտրաուս-Հոր «Ռադեցկու քայլերգը»³ և Չայկովսկու «Անագե զինվորիկների քայլերգը»⁴ «Մարդուկ-Ջարդուկ» բալետից՝ սովորողները որոշում են քայլերգի տեսակը և ներկայացնում երաժշտության բնույթը:

Քայլերգի հնչյունների ներքո քայլել՝ ձեռքերը գոտկատեղին դրած, գլուխը բարձր, վստահ: Աշակերտներին բաժանել խմբերի. մի խումբը քայլելիս ծափ կտա, մյուս խումբը կթմբկահարի: Հետևել, որ աշա-

¹ Վարդումյան Կ., Գունդիրևներ Ն. և Օ., Երգերի, երաժշտական խաղերի ընտրանի, Երևան, հեղ. հրատ., 2021:

² Սարգսյան-Չինկեզյան Մ., Փոքրիկ աշխարհ (երգարան), Երևան, «Անտարես» հրատ., 2020:

³ <https://www.youtube.com/watch?v=6UYklo9h3bw>

⁴ <https://www.youtube.com/watch?v=4s6VTFMdZ8E>

կերտների քայլը, նվագը և երաժշտության ռիթմը լինեն համահունչ:

Կամիլ Սեն-Սանսի «Կենդանիների պարահանդեսից» «Առյուծի քայլերգն»⁵ ունկնդրելու ժամանակ աշակերտների ուշադրությունը հրավիրել կենդանիների արքայի հանդիսավոր զբոսանքին «իր թագավորությունում»:

Այնուհետև սովորողներն ունկնդրում են Էդուարդ Փաշինյանի «Հեծյալը»⁶ մանրանվագը, որի հնչյունների ներքո հորինում են ռիթմական նվագակցություն: Ստորև ներկայացնում ենք ռիթմական նվագակցության օրինակ:

Դաշնամուր

f

p

f

⁵ https://www.youtube.com/watch?v=f_Yc8IF83N0

⁶ Սարաջյան Գ., Ունր-Շատ Վ., Դաշնամուրի ձեռնարկ. I և II մասեր: Խմբա- գիր՝ Գ. Բուդաղյան, Երևան, «Հայաստան» հրատ., 1973, 1978:

Էդուարդ Փաշինյանի «Հեծյալը» մանրանվագից հատված ունկնդրելիս կատարել ռիթմական վարժություն:

Allegro

Թմբուկ

Դռով

Դաշնամուր

mp leggiero

mf

6

6

11

11

f

p

16

16

21

21

27

27

Նախապատրաստական դիրք՝ ձեռքերը գոտկատեղին դրած, ոտքերը միմյանցից փոքր-ինչ հեռու:

- 1-ին տակտ՝ 2 քայլ տեղում
- 2-րդ տակտ՝ 2 քայլ տեղում
- 3-րդ տակտ՝ 2 թռիչք տեղում
- 4-րդ տակտ՝ 2 թռիչք տեղում
- 5-8-րդ տակտեր՝ կրկնել 1-4-րդ տակտերը
- 9-15-րդ տակտեր՝ թեթև վազք տեղում
- 16-րդ տակտ՝ ծափ

Մեթոդական ուղղորդումներ: Քայլերը և թռիչքները կատարվում են յուրաքանչյուր քառորդին: Ստեղծագործության ավարտին երեխաները ծափ են տալիս, որպեսզի վազքի ընթացքում ուշադրությունը չշեղեն և երաժշտությունը լսեն մինչև վերջ:

Երգի ուսուցում: Կոմիտասի մշակմամբ «Փայտե ձիուկ»⁷ հայկական ժողովրդական երգ⁸: Երգելիս ուշադրություն դարձնել ձայնարկությունների կատարմանը՝ տրոփ, պռո՛ւ, թափ: Երգի կատարման ժամանակ ձիու դոփյունները վերարտադրել թմբուկներով, փայտիկներով կամ փայտե գդալներով: Որպես օրինակ ուղեցույցում ներկայացվում է փայտե գդալների և փայտիկների կատարմամբ նվագակցություն:

⁷ Կոմիտաս, Երկերի լիակատար ժողովածու, հ. 5, Երևան, 1979:

⁸ <https://www.youtube.com/watch?v=XIGB3FdB8OI>

Moderato

Փայտե գդալներ

Փայտիկներ

Վոկալ

1.Տրոփ, տրոփ, տրոփ, վա-զե՛, ձի - ո՛ւկ, հո՛ւյ, քա-րեն վեր, դա-րեն վեր,

4

4

4

սի-րուն ձի-ուկ դե-սի լեռ, տրոփ, տրոփ, տրոփ, հո՛ւյ, հո՛ւյ, հո՛ւյ:

Մեթոդական ուղղորդումներ: Փայտիկների հարվածները հիշեցնում են ձիուկի դոփյունները: Երգը կատարել ոչ արագ տեմպով, որպեսզի ութերորդականները հստակ հնչեն փայտիկների կատարմամբ:

Երգ

Առաջին դասարանում երեխաները երգել են տարբեր երգեր՝ հայկական ժողովրդական, մանկական: Աշակերտներին բացատրել երգի տեսակները, սովորեցնել հայկական ժողովրդական «**Կատակերգը**»⁹, որի երաժշտության հեղինակն է Գ. Մելիքսեթյանը: «**Մեր երգն առաջին**» երգի հիման վրա բացատրել երաժշտական զարկը, տակտը, տակտերը միմյանցից անջատող տակտի գիծը, վերջավորության գծերը: Ուսուցանելով Գեղունի Չթյանի «Մեր երգն առաջին»¹⁰ և «Կատակերգը»՝ բացատրել կարճ և երկար տևողության հնչյունները վանկային անվանում երով՝ • (թա), ••

⁹ Հայ ազգագրություն և բանահյուսություն. նյութեր և ուսում ասիրություններ, հ. 10, կազմող՝ Գ.Գ. Գևորգյան, Հայկական ԽՍՀ ԳԱ հրատ., Երևան, 1980:


¹⁰ Յուզբաշյան Յու. Վ., Մկրտչյան Ա. Շ., Երաժշտությունն առաջին դասարանում (ուսում ամեթոդական ձեռնարկ ուսուցիչների համար), Երևան, «Լույս» հրատ., 1986:


(թի-թի) և ժ (թա-ա): Այսպես՝ Գեղունի Չթչյանի երգում կան կարճ և երկար հնչյուններ, իսկ «Կատակերգում» իրար հաջորդում են համաչափ հնչյուններ:


Կարճ և երկար տևողությունների մասին գիտելիքի ամրապնդման համար նախատեսված է խաղ, որտեղ զինվորիկների մոտ պետք է գտնել թա տևողությունը: Զինվորիկները պատկերված են Պյոտր Չայկովսկու «Մարդուկ-ջարդուկ» բալետի զինվորիկների կերպարանքով:

Գեղունի Չթչյանի «Մեր երգն առաջին»-ն ուսանելուց հետո երգը կատարել դափերի և մարականների նվագակցությամբ:

Չափավոր


Մարական 


Դափ 


Վոկալ 

Մենք ու - ռախ գը - վարթ նըս - տել ենք դա - սի,

5










սո - վո - ռում ենք մենք նոր երգ մի - ա - սին.

9










դո, ռե, մի, ֆա, սոլ, լա, սոլ, եր - գում ենք նո - տա - նե - ռով,

13







դո, ռե, մի, ֆա, սոլ, լա, սոլ, եր - գում ենք սի - ռով:

Մեթոդական ուղղորդումներ: Մանկական նվագարաններն ընդգծում են տակտի ուժեղ մասերը: Սկզբում կարելի է կատարել բնական նվագարաններով՝ ծափ տալով, դոփելով կամ մատները ճտտացնելով, ապա դափի նվագակցությամբ՝ հարվածելով միայն ուժեղ մասերում (կարելի է նաև հարվածել ամբողջ երգի ռիթմական պատկերը):

Կոմպոզիտոր Ստեփան Նաղդյանի «Վաչեի ձին»¹¹ երգի հիման վրա բացատրել երաժշտական զարկը, տակտը, տակտերը միմյանցից անջատող տակտերի գծերը, վերջավորության գծերը:

«Վաչեի ձին» երգի կրկներգի ռիթմական պատկերը գրի առնելիս երևում է, որ մեկ վանկը կատարվում է երկու հնչյունով, որոնց տակ դրված է աղեղնաձև նշան: Սովորողներին բացատրել լիգայի նշանակությունը, ապա երկզարկ չափը:

Երաժշտության դասին Կոմիտասի անունը հիշատակելիս աշակերտների մեջ պետք է ձևավորել խոր ակնածանք մեր մեծ հանճարի, նրա կատարած հսկայական աշխատանքի և սերունդներին թողած ազգային ժառանգության նկատմամբ: Բանաստեղծ Պարույր Սևակը Կոմիտասին անվանում է «հայ երգի Մեսրոպ Մաշտոց»՝ դիպուկ բնութագրելով մշակութային այն բեկումը, որն առաջացրել են երկու մեծ հանճարները՝ Մեսրոպ Մաշտոցն ու Կոմիտասը:

Տեղին է հիշել մեծն Կոմիտասի աշակերտ Միհրան Թումաճանի բնութագրում իր ուսուցչի մասին. «Հայ երգի դարավոր ակունքեն քաղված ու մաքրված այս երգերուն մեջեն Կոմիտասի մեծահրաշ «Խորհուրդը» կսավառներ օդին մեջ: Այդ մանուկներու խանդավառ դեմքերը դիտած պահուս ինժի կթվեր, թե անոնց բոսորագույն այտերուն վրա գարնանային բազմագեղ ծաղիկներ ծիլ կարձակեին... Մեր մանուկներուն մանկական հոգիներուն մեջ կցանե սերմեր, որոնք, վստահ եմ, հունձք պիտի տան կրկնապատիկ, եռապատիկ, նույնիսկ՝ հարյուրապատիկ»¹²:

¹¹ Արտուտիկ (մանկական երգեր), կազմող՝ Վ. Վարդանյան, Երևան, «Արևիկ» հրատ., 1988:

¹² Կոմիտաս, Երկերի լիակատար ժողովածու, հ. 5, Երևան, 1979, էջ13:

Երեխաներին ծանոթացնելով հնգագծին ու սոլի բանալուն՝ հիմք ենք դնում նոտագրության ուսուցմանը՝ «**Հինգ էծ ունեմ**»¹³ հայկական ժողովրդական երգի¹⁴ նոտագրությամբ: Երեխաները նոտաները սկսում են սովորել սոլից, որպեսզի հասկանան, թե ինչի համար է հնգագիծը, եթե դո նոտան գրվում է օժանդակ գծի վրա: Նոտագրությունը սկսելով սոլ նոտայից՝ աստիճանաբար իջնում են դեպի դո: Երգը նոտագրելուց հետո կատարել զանգակներով և զանգուլակներով:

Ձանգուլակ

Վոկալ

Հինգ էծ ու - նեմ ու - լե - ռո - ու, ի - լի - լի, դի - լի - լի

Մեթոդական ուղղորդումներ: Հին ժամանակներում այծերի և ուլիկների վզից զանգակներ են կախել, որպեսզի զրնգոցից չար ոգիներն անհետանան: Իհարկե, սա կարող է մի փոքր տարօրինակ թվալ կրտսեր դպրոցական տարիքի երեխային, այդ իսկ պատճառով կարելի է պարզապես բացատրել, որ երբ այծերն ու ուլիկները փախչում էին հեռու, հովիվը զանգակի ձայնով կարողանում էր նրանց գտնել: Ջանգակի ձայնը վախեցնում էր նաև գայլերին, աղվեսներին, արջերին, որոնք փորձում էին ուլիկներին բռնել: «Իլիլի, դիլիլի» ձայնարկության հետ զանգակներով և զանգուլակներով ընդգծել հին ավանդույթները:

2-րդ դասարանի դասագրքում առկա են բազմաթիվ ստեղծագործական առաջադրանքներ, որոնք կատարելիս երեխաները հորինում են երաժշտությանը համապատասխան տեքստ կամ տեքստին համապատասխան երաժշտություն: Այդպիսին է «Հինգ էծ ունեմ» երգը, որի երաժշտությունը պահպանելով սովորողները պետք է ստեղծեն նոր խոսքեր: Ստորև ներկայացնում ենք մի օրինակ.

¹³ Կոմիտաս, Երկերի լիակատար ժողովածու, հ. 3, Երևան, 1969:

¹⁴ <https://www.youtube.com/watch?v=eS4-slOMGc4>

Վազվզում են, թռչկոտում, իլիլի, դիլիլի,
Նրանց հետ եմ ես խաղում, իլիլի, դիլիլի:

Պար

Աշակերտներին ներկայացնելով «պար» թեման ու դրա ենթատեսակները՝ հայկական և այլ ժողովուրդների պարեր՝ նպատակ ունենք ցույց տալու պարերի ազգային պատկանելությունը և ազգային պարերի առանձնահատկությունները:

Հայկական ժողովրդական «**Մանրիկ տերևիկ ծաղիկ**»¹⁵ պարերգը կատարել թեթև, արագ տեմպով: Արագ կատարելով հանդերձ հարկավոր է հստակ արտաբերել յուրաքանչյուր վանկ: Երգը յուրացնելուց հետո սովորել պարերգի շարժում երը:

Նախապատրաստական դիրք՝ աշակերտներն ուսուցչի հետ շուրջպար են բռնում:

1-ին տակտ՝ 1-ին զարկ՝ աջ ոտքը տանել աջ, 4-րդ զարկ՝ ձախը միացնել աջին

2-րդ տակտ՝ 1-ին զարկ՝ աջ ոտքը տանել աջ, 4-րդ զարկ՝ ձախը մոտեցնել աջին և կրնկի վրա դնել առջևում

3-4-րդ տակտեր՝ կրկնել 1-4-րդ տակտերը ձախ ոտքով դեպի ձախ

5-8-րդ տակտեր՝ կրկնել 1-4-րդ տակտերը

9-րդ տակտ՝ 1-ին զարկ՝ աջ ոտքը տանել առաջ, 4-րդ զարկ՝ ձախ ոտքը տանել առաջ

10-րդ տակտ՝ 1-ին զարկ՝ աջ ոտքը տանել առաջ, 4-րդ զարկ՝ ձախը մոտեցնել աջին և կրնկի վրա դնել առջևում

11-12-րդ տակտեր՝ կրկնել 9-10-րդ տակտերը ձախ ոտքով հետ գնալով

13-16-րդ տակտեր՝ կրկնել 9-12-րդ տակտերը

Մեթոդական ուղղորդումներ: Շրջան կազմելիս այնպես կանգնել, որ ոտքը դեպի աջ և ձախ տանելու ժամանակ աշակերտ-

¹⁵ Մանկական երգարան. պարերգ. առաջին տասնյակ, գրառող, բանահյուսական-բանաստեղծական տեքստը մանկական տարիքի համար փոխադրող և կազմող՝ Արուսյակ Սահակյան, Երևան, «Նորք գրատուն» հրատ., 2003 – 23 էջ :

ների ոտքերը չդիպչեն միմյանց: Քայլերը պետք է լինեն փոքր և համաչափ: Առաջ գնալու ժամանակ, երբ շրջանը նեղանում է, հարկավոր է չհրել միմյանց: Եթե դասասենյակում տարածքը փոքր է, ապա կարելի է գրատախտակի մոտ շուրջպար կազմել շարքերով նստած աշակերտների հետ: Կարելի է նաև մեծ շուրջպար բռնել մեջտեղի նստարանի շուրջ (այս դեպքում պետք է շատ փոքր քայլերով գնալ առաջ):

Պարերգը կատարել նաև դափի նվագակցությամբ:

«Մանրիկ տերևիկ ծաղիկ» պարերգը սովորելուց հետո աշակերտներն ունկնդրում են հայկական ժողովրդական «**Շուշիկի**» մենապարը¹⁶ Կոմիտասի մշակմամբ:

Որպես պարի տեսակ ներկայացված են պարահանդեսային պարերը, մասնավորապես՝ վալսը: Սովորողներն ուսում ասիրում են «Վալսերի արքա» Յոհան Շտրաուս-Որդու ստեղծագործական դիմանկարը, ունկնդրում նրա «Երկնագույն Դանուբի վրա» վալսը և դիտում այդ վալսի հիման վրա նկարահանված «Երկնագույն Դանուբ» մուլտֆիլմը¹⁷:

¹⁶ https://www.youtube.com/watch?v=jHwy6_ZU4YA

¹⁷ https://www.youtube.com/watch?v=3zCc3_GrDoM

1-ին կիսամյակ, ենթաթեմա 1 Ո՛ր են մեզ տանում երաժշտության պարզ ու մատչելի ժանրերը

Ծանոթացումը երաժշտության պարզ տեսակներին աշակերտներին հնարավորություն է տալիս ծանոթանալու նաև երաժշտական մեծակտավ տեսակներին ու ժանրերին՝ օպերային, բալետին, սիմֆոնիային: Ծանոթացումը սկսելով մանկական օպերայից և բալետից՝ ընդգծում ենք մասնավորապես, հայ կոմպոզիտորների մեծ ուշադրությունը երեխաների յուրահատուկ և ինքնատիպ աշխարհի նկատմամբ:

Օպերա

Սովորողներին ներկայացնում ենք Ազատ Մանուկյանի «Չարի վերջը» մանկական օպերան ըստ Հովհաննես Թումանյանի համանուն հեքիաթ-առակի: «Չարի վերջը» օպերայի բովանդակությունը աշակերտներն ընթերցում են, նկարում «Չարի վերջը» հեքիաթ-առակի որևէ հերոսի և մեկնաբանում, թե ինչու են ընտրել այդ հերոսին (կարելի է համատեղել մայրենիի ժամին հեքիաթ-առակի ընթերցման և կերպարվեստի ժամին հեքիաթ-առակի հերոսներին նկարելու հետ կամ պարզապես երաժշտության ժամին ընթերցել և նկարել): Այսպիսով՝ ստեղծվում են միջառարկայական կապեր:

«Չարի վերջը» օպերայից **«Թռչունների երգը»** կատարել դերերով՝ հանդես գալով աղավ ու, կաչաղակի և մյուս թռչունների անունից:

Առաջարկում ենք նաև օպերայի դիտում ամբողջությամբ որպես արտադասարանական պարապմունք¹⁸:

Բալետ

Սովորողները բալետային արվեստին ծանոթանում են Տիգրան Մանսուրյանի «Չյունե թագուհին» բալետի միջոցով: Տիգրան Մանսուրյանի ստեղծագործական դիմանկարին ծանոթանալուց

¹⁸ <https://www.youtube.com/watch?v=ICELgVxDrCI>

հետո սովորողներին ներկայացվում է բալետի հակիրճ բովանդակությունը, այնուհետև բալետից ունկնդրում են «Ձյունե թագուհու թագավորությունը» և «Մենուետ» հատվածները: Բալետից հատվածներ ունկնդրելու ժամանակ աշակերտների երևակայությունը պետք է ուղղել դեպի սառցե աշխարհ (գուցե նրանցից ոմանք դիտել են մուլտֆիլմը): Կարելի է նաև հանձնարարել նկարել Ձյունե թագուհու թագավորությունը, Ձյունե թագուհուն և Կային ու Գերդային պարելիս՝ ստեղծելով միջառարկայական կապ երաժշտության և կերպարվեստի միջև: Որպես արտադասարանական աշխատանք կարելի է դիտել մուլտֆիլմը¹⁹

Թեմայի ավարտին ներկայացվում է «Շղթա» խաղը որպես ամփոփում: Խաղի նպատակն է կրկնել տվյալ թեմայի շրջանակներում իրենց անցած եզրույթները, ստեղծագործությունները և նրանց հեղինակների անունները:

Խաղի բովանդակությունը: Աշակերտներն ուսուցչի հետ կանգնում են շրջանաձև: Ուսուցիչն իր ձեռքում ունի ինչ-որ խաղալիք կամ իր (գնդակ, խորանարդ, կենդանու կերպարանքով փափուկ խաղալիք, գրչատուփ և այլն): Ուսուցիչն անվանում է դասի թեման և իր ձեռքի առարկան փոխանցում ձախ կողմի աշակերտին: Այդ աշակերտն անվանում է թեմայի վերաբերյալ որևէ եզրույթ կամ անվանում և առարկան փոխանցում իր ձախ կողմում գտնվող աշակերտին: Նպատակահարմար է շղթան «պտտվի» ժամացույցի սլաքի ուղղությամբ: Ով չի կարողանում անվանել, շրջանից դուրս է գալիս:

Մեթոդական ուղղորդումներ: Սովորողները պետք է ուշադիր լսեն իրենց համադասարանցիների պատասխանները, որպեսզի չկրկնեն նրանց անվանած եզրույթները: Խաղի ողջ ընթացքում պետք է պահպանել շրջանաձև գիծը, միմյանց նկատմամբ դրսևորեն հանդուրժողականություն, հարգանք, մեկը մյուսին չընդհատեն և չմիջամտեն:

Նոտագրության բաժնում ուսուցանվող հնգագիծը և դո, ռե, մի, ֆա, սոլ նոտաները հնարավորություն են տալիս գրառելու արդեն

¹⁹ <https://www.youtube.com/watch?v=a9EMZitlNn8>:

ծանոթ մանկական երգերը կամ դրանց հատվածները:

Որպես ստեղծագործական աշխատանք ներկայացված է տրված օրինակում շարունակել բաց թողնված տակտերը՝ ստեղծելով երաժշտական հատված: Այս առաջադրանքը միտված է զարգացնել երեխաների երաժշտական մտածողությունը, ներքին լսողությունը և ստեղծագործական երևակայությունը:

Սիմֆոնիա

Սովորողներին ներկայացնում ենք սիմֆոնիա ժանրը, սիմֆոնիկ նվագախումբը՝ որպես սիմֆոնիան կատարող, և դիրիժորին: Հայ կոմպոզիտորների մեծակտավ ստեղծագործություններից բացի՝ ներկայացված են դասական սիմֆոնիայի հիմ ադիրներից մեկի՝ Յոզեֆ Հայդնի սիմֆոնիաներից հատվածներ ունկնդրման համար, ինչը կընդլայնի երեխաների գիտելիքներն այս թեմայով:

«Մանկական» սիմֆոնիան ունկնդրելիս սովորողների ուշադրությունը հրավիրել այն նվագարանների նկարներին, որոնք կիրառվել են նվագախմբի ավանդական նվագարանների հետ միասին (այս սիմֆոնիայի հեղինակի վերաբերյալ տեղեկությունը հավաստի չէ. այն վերագրվում է Յոզեֆ Հայդնին կամ Լեոպոլդ Մոցարտին՝ Վոլֆգանգ Ամադեուս Մոցարտի հորը): Դիտել «Հայդնի «Մանկական սիմֆոնիան»» մուլտֆիլմը, որը նկարահանվել է այդ սիմֆոնիայի երաժշտության հիման վրա:

Յոզեֆ Հայդնի Օբսիդորդյան սիմֆոնիայից հատվածի ներքո կազմակերպել «Շրջան» խաղը:

Շրջան

Հատված Օբսիդորդյան սիմֆոնիայից

Յ. Հայդն

Արագ

The image shows a musical score for a piece titled 'Schubert' by Joseph Haydn. The score is written for piano and is marked 'Allegro' and 'p' (piano). It consists of two staves, a treble clef staff and a bass clef staff, both in 2/4 time. The key signature has one sharp (F#). The piece begins with a single eighth note in the treble staff, followed by a series of chords and eighth notes in both staves. The bass staff has a steady eighth-note accompaniment.



Խաղի նպատակ: Ուշադիր լսել, թե երբ է կրկնվում երաժշտությունը հակառակ ուղղությամբ շարժվելու համար Կարողանալ տարբերել ձայնասահմանները (ռեգիստրները)²⁰:

Խաղի ընթացք: Երեխաները շրջան կազմած պտտվում են դեպի աջ, ապա երաժշտության կրկնության հետ՝ դեպի ձախ: Երաժշտության դադարի ժամանակ կանգնում են: Երբ հնչում են ութերորդականներն ու քառորդը միջին ռեգիստրում, ծափ են տալիս համապատասխան ռիթմական պատկերը: Երբ նույն ռիթմական պատկերը հնչում է ստորին ռեգիստրում, դոփում են:

Մեթոդական ուղղորդումներ: Հետևել, որ երեխաները շրջանով պտտվելիս մեջքն ուղիղ պահեն, միմյանց չիրեն, պահպանեն շրջանի ձևը: Շրջանի ուղղության փոփոխությունն աջից ձախ պետք է կատարվի սահուն: Ճիշտ կատարել միջին և ստորին ռեգիստրներում հնչող ռիթմական պատկերը՝ համապատասխանաբար ծափ տալով և դոփելով: Կարելի է մեծ շրջան բռնել մեջտեղի նստարանի շուրջ կամ մի քանի հոգով՝ գրատախտակի մոտ:

Ուսուցանվում է Ազատ Մանուկյանի «Չարի վերջը» օպերայից ևս մեկ երգ՝ քաջ շնիկին բնութագրող «ՀաՖ, հաՖ»²¹-ը, որից հետո սովորողները կարող են բնութագրել իրար հակադիր կերպարները²²:

Նոտագրելով հայկական ժողովրդական «Դան, դան, դանեդան» երգը՝ սովորողները պետք է ստեղծեն նոր խոսքեր՝ պահպանելով երաժշտությունը: 1-ին կիսամյակն ամփոփում ենք Մարի Սարգսյան-Չինկեգյանի «Ձյուն է, ձյուն»²³ երգով:

²⁰ Գևորգյան Ա., Ռիթմիկա (մեթոդական ձեռնարկ), Երևան, «Մեկնարկ» հրատ., 2022:

²¹ Մանուկյան Ա., Չարի վերջը (մանկական օպերա), Երևան, 1958:

²² <https://www.youtube.com/watch?v=ICELgVxDrCI>

²³ Սարգսյան-Չինկեգյան Մ., Փոքրիկ աշխարհ (երգարան), Երևան, «Անտառես» հրատ., 2020:

2-րդ կիսամյակ, թեմա 1 Ինչպես է ստեղծվում երաժշտությունը (երաժշտական այբուբեն)

Որպեսզի սովորողները ճիշտ ըմբռնեն, թե ինչպես է ստեղծվում երաժշտությունը, այս թեմայում ներկայացված է հեքիաթ մի թագավորության մասին, որի թագուհին Երաժշտությունն է, իսկ բնակիչները՝ երաժշտական այբուբենը և երաժշտական արտահայտչամիջոցները:

Երաժշտական այբուբենը պարզ և մատչելի ներկայացնելու համար աշակերտները նախ ունկնդրում են Մարթեն Յորգանցի «Այբ, բեն, գիմ» երգը հեղինակի կատարմամբ և դիտում Գրիգոր Խանջյանի «Հայոց այբուբեն» նկարը, որի կենտրոնում գրերի ստեղծմանը մեծապես աջակցած կաթողիկոս Սահակ Պարթևն է՝ հայատառ մագաղաթը ձեռքին:

Աշակերտներին հանձնարարվում է ստեղծել հայոց այբուբենին նվիրված քառատող երգ:

Դասագրքում նաև ներկայացված է 18-րդ դարի իտալացի գեղանկարիչ Ֆրանչեսկո Մաջիոտոյի «Մեսրոպ Մաշտոց» նկարը:

Սովորողներն ունկնդրում են Արեգ Լուսինյանի «Երաժշտական այբուբեն» երգը²⁴, ապա սովորում Հրաչյա Օհանյանի հեղինակած «Հնչյունաշար»²⁵ երգը: Նոտագրելով առաջին օկտավի լա, սի և երկրորդ օկտավի դո նոտաները՝ աշակերտները յուրացնում են դո հնչյունաշարը և նոտաներով երգում «Հնչյունաշար» երգի առաջին տունը: Սովորաբար 7 նոտան համեմատում են ծիածանի 7 գույնի հետ: Այդ համեմատությունն օգնում է երեխաներին մտապահելու նոտաների հերթականությունը: Ծանոթանալով ձեռքի նշաններին՝ սովորում են կատարել իրենց ծանոթ երգերը ձեռքի նշաններով՝ նպաստելով նրանց լսողության և լադային մտածողության զարգացմանը: Որպես օրինակ ձեռքի նշաններով աշակերտները երգում են «Հնչյունաշար» երգի առաջին տունը:

²⁴ <https://www.youtube.com/watch?v=jlkZRsRkCrQ>

²⁵ Օհանյան Հ., Դպրոցական երգեր (դաշնամուրի նվագակցությամբ), Երևան, «Լույս» հրատ., 1975:

Ուսումնասիրելով Ռոբերտ Պետրոսյանի կյանքը՝ աշակերտներն ունկնդրում են հայկական ժողովրդական «Հացթուխ» երգը «Արևիկ» մանկական վոկալ-նվագարանային համույթի կատարմամբ, քանի որ Ռ. Պետրոսյանը «Արևիկ»-ի հիմ ադիրն է: Ապա կատարում են ստեղծագործական աշխատանք. տրված խոսքերով ստեղծում են երգ: Աշակերտներն արդեն յուրացրել են դո հնչյունաշարը, և երգի երաժշտությունը պետք է գրվի է դո հնչյունաշարի սահմաններում: Օրինակ՝

Գնանք դաշտի հողը վարենք,
Ցորեն ցանենք:

Հասկը հասնի, արևի տակ
Արտը ծփա:

Ցորեն հնձենք, այլուր աղանք,
Լավաչ թխենք:

Աշակերտները սովորում են «**Ձի, ձի**»²⁶ հայտնի բանաստեղծության հիման վրա գրված «**Իմ ձին**» երգը, որի միջոցով բացատրում ենք «մեղեդի» հասկացությունը: Աշակերտները նոտագրում են երգի մեղեդուց հատված և նոտաներով ու ձեռքի նշաններով կատարում այդ հատվածը: Այնուհետև ստեղծում են ռիթմական նվագակցություն բնական նվագարաններով:

Տարրական դասարանների ունկնդրման նյութի ընտրությունը պայմանավորված է այդ տարիքի երեխաների հետաքրքրություններով և երեխաներին շրջապատող միջավայրով: Առավել հոգեհարազատ է դառնում ծրագրային երաժշտությունը, որտեղ կոմպոզիտորների առաջարկած ծրագիրը նպաստում է երաժշտաստեղծագործական երևակայության ձևավորմանն ու զարգացմանը, երաժշտական կերպարը բնութագրելու կարողությանը: Ռուս կոմպոզիտոր Պյոտր Չայկովսկին իր դաշնամուրային մանրանվագներում անդրադարձել է ծրագրային երաժշտությանը՝ դրանք ներկայացնելով դաշնա-

²⁶ Բզեզը (մանկական երգեր դաշնամուրի նվագակցությամբ), Երևան, «Հայաստան» հրատ., 1974:

մուրային շարքերում, որոնցից է «Տարվա եղանակները»: Որպես ունկնդրում ներկայացված է «Ապրիլ (ձնծաղիկ)» մանրանվագը²⁷ «Տարվա եղանակներ» շարքից: Մանրանվագի բնույթի ներկայացմանը զուգահեռ ուսումնասիրվում է նաև Չայկովսկու կյանքը:

Ըստ տարվա եղանակի երեխաները սովորում են հայկական ժողովրդական «Ա՛խ, գարո՛ն է, գարո՛ն է»²⁸ պարերգը²⁹ և դիտում Մարտիրոս Սարյանի «Արարատը գարնանը» նկարը: Պարերգը երգելիս կատարում են համապատասխան շարժում եր: Ստորև ներկայացվում է շուրջպարի օրինակ:

Նախապատրաստական դիրք՝ շրջան կազմել՝ ճկույթներով իրար բռնած, ոտքերը միասին:

1-ին տակտ՝ 1-ին զարկ՝ աջ ոտքը տանել աջ, 2-րդ զարկ՝ ձախը միացնել աջին

2-րդ տակտ՝ 1-ին զարկ՝ աջ ոտքը տանել աջ, 2-րդ զարկ՝ ձախը մոտեցնել աջին և դնել առջևում ոտնաթաթի վրա

3-րդ տակտ՝ ձախ ոտքը տանել նախապատրաստական դիրք, աջը դնել առջևում ոտնաթաթի վրա

4-6-րդ տակտեր՝ կրկնել 1-3-րդ տակտերը

7-12-րդ տակտերը՝ կրկնել 1-6-րդ տակտերը

13-18-րդ տակտեր՝ կրկնել 1-6-րդ տակտերը՝ առաջ գալով դեպի շրջանի ներս

19-24-րդ տակտեր՝ կրկնել 13-18-րդ տակտերը՝ դեպի հետ գնալով՝ շրջանը բացելով

25-30-րդ տակտեր՝ կրկնել 1-6-րդ տակտերը՝ ձախ ոտքով դեպի ձախ գնալով

31-42-րդ տակտեր՝ կրկնել 13-24-րդ տակտերը

Մեթոդական ուղղորդումներ: Պարերգը կարելի է պարել նաև զույգերով՝ մեկ տղա և մեկ աղջիկ, որոնք այնպես պետք է կանգնեն, որ պահպանվի շրջանի տեսքը:

²⁷ <https://www.youtube.com/watch?v=KdwwQbgJbQI>

²⁸ Մանկական երգարան. պարերգ. առաջին տասնյակ, գրառող, բանահյուսական-բանաստեղծական տեքստը մանկական տարիքի համար փոխադրող և կազմող՝ Արուսյակ Սահակյան, Երևան, «Նորք գրատուն» հրատ., 2003 – 23 էջ :

²⁹ https://youtu.be/IUgoS1b_t6Y

Պարերգը հիմ ատող-կրկնակ է, որտեղ կրկնակը 10-վանկանի է, իսկ խաղիկները՝ 7-վանկանի: Որպեսզի խաղիկն իր 7 վանկը դարձնի 10 վանկ, կրկնակից փոխ է առնում 3 վանկ՝ «գա-րու-ն է», որոնք երգում են խաղիկի յուրաքանչյուր տողի վերջում:

Հիմ ատող-կրկնակը սկզբում երգում է աղջիկների խումբը, հետո՝ տղաների խումբը: Երկտող առաջին խաղիկը՝ «Սարերը ման են եկել...», երգում է տղաների խումբը և շարունակում երգել հիմնատող-կրկնակը: Երկտող երկրորդ խաղիկը՝ «Սարի փեշին ձնծաղիկ...», երգում է աղջիկների խումբը և շարունակում երգել հիմնատող-կրկնակը: Եվ այսպես մինչև վերջ:

Պարերգը կատարելիս աշակերտները պետք է հորինեն նվագարանային ուղեկցություն (օրինակ՝ դափով, դիոլով և այլն):

Մարտին Վարդազարյանի «**Մայրիկը, գիրքը և հայրենիքը**» երգը (խոսք՝ Սուրեն Մուրադյանի)³⁰ խորհրդանշական կապ է հաստատում այս երեք հասկացությունների միջև:

Մայրիկների տոնին ընդառաջ սովորում են Կարինե Վարդումյանի «**Ուրախ մայրիկ**»³¹ երգը: Սովորաբար մայրերի մասին երգերում երեխաները «տեսնում են» իրենց մայրիկներին, համեմատություններ անում երգում նկարագրված մայրիկի հետ: Նաև կարելի է հարցնել երեխաներին, թե ինչպես են շնորհավորում մայրիկներին և տատիկներին մայրության տոնի առիթով:

Այնուհետև աշակերտներին հանձնարարվում է ստեղծագործական աշխատանք. տրված քառատողի համար ստեղծել մեղեդի.

Մայրս արև է՝ ես մի շող,
Մայրս անձրև է՝ ես մի ցող,
Մայրս այգի է՝ ես մի վարդ,
Երգ եմ գրում նրա համար:

Երաժշտություն թագուհու մասին հեքիաթը միտված է երեխաներին ներգրավելու երաժշտական հնչյունների կախարդական թագավորություն, որտեղ հնչում են տարբեր տրամադրության

³⁰ <https://www.youtube.com/watch?v=nEdMFrwCww&list=PLp8ul9DIbovkFGKsIXiDOQX-fDZ86R4y2&index=4>

³¹ Վարդումյան Կ., Գունդիրներ Ն. և Օ., Երգերի, երաժշտական խաղերի ընտրանի, Երևան, հեղ. հրատ., 2021:

ստեղծագործություններ՝ ուրախ, տխուր, զրնգուն, եռանդուն, նուրբ: Դասագրքում ներկայացված են 5 տրամադրություն արտահայտող երգեր: Այս երգերի մի մասն աշակերտներին արդեն ծանոթ է նախադպրոցական հաստատություններից, 1-ին դասարանի ծրագրից կամ երեխաներին շրջապատող միջավայրից: Երգերը հարկավոր է կատարել խոսքերով, նոտաներով, ինչպես նաև ձեռքի նշաններով՝ ստեղծելով համապատասխան տրամադրություն: Երգերը կարող են նաև ծառայել որպես նոտագրության նյութ: Կոմպոզիտոր Ստեփան Բաբաթորոսյանի **«Ծաղրածուն և ծաղրածուն»**³² երգով ավարտում ենք թագուհու տրամադրության բնութագրումը:

Աշակերտները սովորում են տարբերակել իրենց ունկնդրած ստեղծագործություններն ըստ տրամադրության: Ծանոթանում են այնպիսի հասկացությունների, ինչպիսին են մեղեդին, կրկնողության նշանը և երաժշտական դադարը՝ պաուզան: Որպես երգի ուսուցում ներկայացված է Ստեփան Նաղդյանի «Վաչեի ձին» երգը, որի կրկներգի օրինակով սովորում են երաժշտական դադարի նշանը՝ 1/4 տևողությամբ պաուզան, այնուհետև նոտագրում «Վաչեի ձին» երգի կրկներգը:

Երաժշտական մտածողության զարգացման համար առաջադրվում է ևս մեկ ստեղծագործական աշխատանք. պահպանելով «Վաչեի ձին» երգի մեղեդին, որտեղ կան երաժշտական դադարներ, շարունակիր երգը:

Թեմայի ավարտին ներկայացվում է «Շղթա» խաղը որպես ամփոփում:

³² <https://www.youtube.com/watch?v=QN1nOO18lpE&list=PLp8uI9DIbovkFGKsIXiDOQX-fDZ86R4y2&index=12>

2-րդ կիսամյակ, ենթաթեմա 1. Երաժշտության արտահայտչամիջոցներ (հնչերանգ)

Ծանոթացումը երաժշտական արտահայտչամիջոցներին հնարավորություն է տալիս աշակերտներին ընդլայնելու իրենց ոչ միայն խոսքային, այլև երաժշտական լեզվական գիտելիքները, երաժշտական արտահայտչամիջոցները բնութագրելու, մեկնաբանելու կարողություններն ու հմտությունները: Ծանոթանում են այնպիսի հասկացությունների, ինչպիսին են տեմպը կամ ընթացքը, ուժգնության կամ դինամիկայի նշանները, լեգատո և ստակկատո կատարման առանձնահատկությունները, երգչային ձայները, նվագարանների հնչողությունը կամ հնչերանգը, նվագարանների ձայնասահմանը՝ ռեգիստրը: Դասագրքում ներկայացված է նաև երաժշտական արտահայտչամիջոցների որոշ նշանների գրառումը նոտաներում:

Վոլֆգանգ Ամադեուս Մոցարտի «Օրորոցային»³³ ստեղծագործության միջոցով երեխաները ծանոթանում են երաժշտության դանդաղ ընթացքին: Այնուհետև սովորում են արագ տեմպում գրված Էմմա Միհրանյանի «Միշտ առույգ» երգը (խոսք՝ Լիպարիտ Սարգսյանի): Ստորև ներկայացնում ենք «Միշտ առույգ» երգի հնչյունների ներքո երաժշտառիթմական վարժությունը:

Նախապատրաստական դիրք՝ ձեռքերը գլխի տակ դրած՝ կարծես քնած են, աչքերը՝ փակ:

1-ին տակտ՝ նախապատրաստական դիրքում երգել

2-րդ տակտ՝ 2 ձեռքերը գլխավերևում լայն բացել՝ ասես արթնանում են

3-րդ տակտ՝ 2 ձեռքով դեմքը «լվանալ» առանց դեմքին դիպչելու

4-րդ տակտ՝ 4 քայլ գալ առաջ, 4-րդ քայլին ձեռքերը դնել գոտկատեղին

Կրկներգ

5-րդ տակտ՝ ցատկել տեղում 1-ին և 3-րդ զարկերին

6-րդ տակտ՝ ցատկել աջ և ձախ 1-ին և 3-րդ զարկերին

³³ https://www.youtube.com/watch?v=vXRzq_8bI3c

7-8-րդ տակտեր՝ զույգեր կազմած պտտվել ժամասլաքի ուղղությամբ

9-10-րդ տակտեր՝ պտտվել հակառակ ուղղությամբ՝ վերջում կանգնելով իրենց տեղերում՝ ձեռքերը գոտկատեղին դրած

11-12-րդ տակտեր՝ յուրաքանչյուր կես տևողությանը մարմնով կիսապտույտ կատարել դեպի աջ և ձախ

13-րդ տակտ՝ ձեռքով կանչել

14-րդ տակտ՝ 1-ին զարկ՝ ձեռքերը բարձրացնել՝ մատները բացելով, 2-րդ զարկ՝ ձեռքերն իջեցնել ուսերին հավասար՝ բռունցքով պահած, 3-րդ զարկ՝ կրկնել 1-ին զարկը, 4-րդ զարկ՝ ձեռքերը դնել գոտկատեղին

Կրկներգի ժամանակ շարժում երը կրկնել

Միցարտի՝ «Դոն ժուան» օպերայից «Մենուետ»³⁴ հատվածի ներքո կատարում են «**Ծաղիկների պարը**» երաժշտառիթմական վարժությունը՝ նուրբ, քնարական երաժշտությամբ փոխանցելով ծաղկի թերթիկների քնքշությունը:

Adagio, ma non troppo ♩ = 72

Դաշնամուր

6

12

³⁴ Գևորգյան Ա., Ռիթմիկա (մեթոդական ձեռնարկ), Երևան, «Մեկնարկ» հրատ., 2022:

Նախապատրաստական դիրք՝ ձեռքերը հանգիստ իջեցված աջ և ձախ, ոտքերն ուներին հավասար:

1-2-րդ տակտեր՝ աջ ձեռքը կողքից բարձրացնել

3-4-րդ տակտեր՝ ձախ ձեռքը կողքից բարձրացնել

5-6-րդ տակտեր՝ 2 ձեռքը կողքից իջեցնել ուներին հավասար

7-8-րդ տակտեր՝ 2 ձեռքը բարձրացնել

9-րդ տակտ՝ գլխավերևում 2 ձեռքը տանել աջ

10-րդ տակտ՝ 2 ձեռքը տանել ձախ

11-12-րդ տակտեր՝ կրկնել 9-10-րդ տակտերը


13-14-րդ տակտեր՝ աջ ձեռքը կողքից իջեցնել

15-16-րդ տակտեր՝ ձախ ձեռքը կողքից իջեցնել

Մեթոդական ուղղորդումներ: Շարժում երն այնպես կատարել, ասես ձեռքերը ծաղկի թերթիկներ լինեն, որոնք առավոտյան բացվում են, ձգվում դեպի արևը, միջին մասում օրորվում արևի շողերի ներքո, իսկ երեկոյան փակվում: Երաժշտության կրկնության հետ կրկնել շարժում երը, իսկ 16-րդ տակտում կատարել խոր ծնկածալում՝ ձեռքերը դնելով գլխին՝ ասես ծաղիկը փակվեց:

Ռիթմական վարժությունները կատարելուց հետո աշակերտները համեմատում են «Միշտ առույգ» երգի և Մոցարտի «Մենուետ»-ի տեմպը:

Այնուհետև երաժշտական արտահայտչամիջոցներից ներկայացվում են երաժշտության կատարման ձևերը՝ կապակցված կամ լեզատոն և անջատ կամ ստակկատոն: Լեո Դելիբի «Պիցցիկատո»³⁵-ն վառ կերպով արտահայտում է կտրուկ, անջատ կատարումը:

Մատների մոտորիկայի զարգացման համար առաջադրանքը կատարում ենք մատները նստարանի վրա «վազեցնելով»՝ ծափերով ընդգծելով երաժշտության մեջ հանդիպող  ռիթմը, իսկ միջին հակադիր մասում գլխավերևում հանդարտ շարժում ենք ձեռքերը՝ ընդգծելով կապակցված երաժշտությունը կամ լեզատոն: Լեզատոյի վառ արտահայտման օրինակ են օրորոցային երգերը: Գերմանացի կոմպոզիտոր Յոհաննես Բրամսի «Օրորոցայինը»³⁶

³⁵ <https://www.youtube.com/watch?v=uIPHZvn1Ccc>

³⁶ Брамс И. Избранные песни для голоса с фортепьяно. Тетрадь 1 / Составитель А. Ерохин. Москва, Государственное музыкальное издательство, 1959.

կատարել կապակցված, նուրբ և հանդարտ:

«Ցատկապարան»³⁷ ռիթմական վարժության միջոցով ամբողջական են գիտելիքները երաժշտության կտրուկ, անջատ կա-

Գաջնամուր

Allegro

The musical score is for the piece "Gajnamur" by Komitas. It is written for piano accompaniment in G major (one sharp) and 2/4 time. The tempo is marked "Allegro". The score consists of five systems of music, each with a treble and bass clef staff. The first system starts with a forte (*f*) dynamic. The second system includes a mezzo-forte (*mf*) dynamic. The third system has a crescendo (*cresc.*) marking. The fourth system has a forte (*f*) dynamic. The fifth system ends with a ritardando (*ritard.*) marking. The piece concludes with a final chord in the bass staff.

³⁷ Գևորգյան Ա., Ռիթմիկա (մեթոդական ձեռնարկ), մաս II, Երևան, «Մեկնարկ» հրատ., 2022:

տարման ձևի վերաբերյալ (երաժշտությունը՝ Արամ Խաչատրյանի համանուն մանրանվագի):

Նախապատրաստական դիրք՝ ձեռքերը գոտկատեղին, ոտքերը միասին:

1-ին տակտ՝ թռիչք տեղում

2-րդ տակտ՝ թռիչք տեղում

3-րդ տակտ՝ ծնկածալում

4-րդ տակտ՝ ծնկածալում

5-8-րդ տակտեր՝ կրկնել 1-4-րդ տակտերը

9-րդ տակտ՝ 2 ձեռքը գլխավերևում տանել աջ

10-րդ տակտ՝ ձեռքերը տանել ձախ

11-12-րդ տակտեր՝ կրկնել 9-10-րդ տակտերը

13-16-րդ տակտեր՝ կրկնել 9-10-րդ տակտերը՝ ձեռքերն իջեցրած, իսկ 16-րդ տակտի 3-րդ զարկին ձեռքը դնել գոտկատեղին

17-24-րդ տակտեր՝ կրկնել 1-8-րդ տակտերը

25-րդ տակտ՝ թռիչք

Մեթոդական ուղորդումներ: Թռիչքները կատարել թեթև, իսկ միջին մասի շարժում երը՝ հանդարտ, առանց շտապելու՝ ընդգծելով երաժշտության հակադրությունն առաջին և երկրորդ մասերի միջև:

Ձայներանգին կամ տեմբրին սովորողները ծանոթանում են մարդկանց ձայների տարբերակումով: Կատարում են էստոնական ժողովրդական «**Փոքրիկներ**» երգը³⁸, որտեղ երկխոսություն է տեղի ունենում ուսուցչի և աշակերտների միջև: Երգում ներկայացված ընտանի կենդանիներն ունեն ձայների տարբեր երանգներ՝ տեմբրներ:

Դերային խաղ «Փոքրիկներ»

Նախապատրաստական դիրք՝ սովորողները կանգնում են շրջան կազմած, ձեռքերը բռնած:

Ուսուցիչ. «Հավաքվեք, փոքրիկներ, սկսում ենք մեր խաղը»:

Պտտվել ժամասլաքի ուղղությամբ, վերջում կանգնել դեմքով

³⁸ <https://www.youtube.com/watch?v=WW-gvG2NYQw>

դեպի շրջանը և ձեռքերը բաց թողնել:

Աշակերտներ.

- Մեր շնիկը հաչում է՝ հահֆ, հահֆ, հահֆ:

Կրծքավանդակի մոտ ձեռքերով շնիկի թաթիկներ ցույց տալ:

- Իսկ փիսիկը մլավում՝ մյառն, մյառն, մյառն:

Ձեռքերը հեզիկ-նազիկ շարժել այնպես, ասես փիսիկը ծառ է մագլցում:

- Խոզուկը խռխռում է՝ խըռ-խըռ-խըռ,

3 անգամ ցուցամատով դիպչել քթի ծայրին:

- Իսկ հորթուկը մայում է՝ մռն, մռն, մռն:

Ցուցամատները ճակատի աջ և ձախ կողմերում պահել կովի կոտոշների նման և գլուխը շարժել:

Ուսուցիչ. «Սիրելի փոքրիկներ, շարունակում ենք խաղը»:

Ձեռքերը բռնած՝ պտտվել ժամասլաքի ուղղությամբ, վերջում կանգնել դեմքով դեպի շրջանը և ձեռքերը բաց թողնել:

Աշակերտներ.

- Գորտերը կռկռում են՝ կըռ-կըռ-կըռ:

Ձեռքերը պահել կոնքի երկու կողմում՝ մատները գորտի թաթերի նման բարձրացրած, և ոտնաթաթերը դեպի դուրս բացած՝ 3 անգամ կատարել ծնկածալում:

- Բադիկները կռնչում՝ դահ-դահ-դահ:

Բադի նման երերալով դոփել աջ, ձախ, աջ ոտքերով:

- Ծիտիկը ծլվլում է՝ ծիվ-ծիվ-ծիվ:

Ձեռքով ցույց տալ թռչունների կտուցը՝ ձեռքերը կրծքավանդակի մոտ պահած, բութ մատը ներքևում, իսկ 4 մատը վերևում 3 անգամ իրար միացնելով:

- Ճանապարհին թռչկոտում՝ թըռ-թըռ-թըռ:

3 անգամ ցատկել տեղում:

Ուսուցիչ. «Սիրելի փոքրիկներ, ավարտեցինք մեր խաղը»:

Ձեռքերը բռնած՝ պտտվել ժամասլաքի ուղղությամբ, վերջում կանգնել դեմքով դեպի շրջանը և ձեռքերը բաց թողնել:

Շարժում երը կատարել կենդանիների կամ թռչունների ծայնե-
րով երգելիս (այդ ծայները հնչեցվում են 3 անգամ, յուրաքանչյուր
շարժում նույնպես կատարվում է 3 անգամ):

Հայկական ժողովրդական «Կիրակմուտ իրիկունը»³⁹ եր-
գը գրված է մենակատարի և խմբի համար: Մեղեդին այնպես է
հնչում, ասես խմբի երգեցողությունը մենակատարի արձագանքը
լինի: Այսպիսով մենակատարի և խմբի տեմբրները հակադրվում
են միմյանց:

Խոսելով երաժշտական նվագարանների հնչերանգի մասին՝
ունկնդրում ենք ռուս կոմպոզիտոր Անատոլի Լյադովի «Երաժշտա-
կան զարդատուփը» նախ դաշնամուրի⁴⁰, ապա՝ մանկական նվա-
գարանների⁴¹ կատարմամբ: Դաշնամուրի երգային տեմբրը միան-
գամայն տարբերվում է մանկական նվագարանների զրնգուն ձայ-
ներանգից: Սկզբնաղբյուրում կոմպոզիտորը տալիս է հետևյալ
անվանումը՝ «Музыкальная табакерка», որը բառացիորեն թարգ-
մանվում է «Երաժշտական ծխախոտատուփ», բայց քանի որ դա-
սագիրքը գրված է անչափահաս երեխաների համար, ծխախոտա-
տուփը փոխարինվել է զարդատուփով, որում նույնպես երաժշտու-
թյուն է հնչում, իսկ տիկնիկը պարում է:

Դասագրքում ներկայացվում են նաև կերպարվեստի գույնե-
րը՝ ստեղծելով միևնույն նկարի երանգներ: Սովորում են Կարինե
Վարդումյանի «Գույներ ենք մենք»⁴² երգը:

Ֆրանսիացի կոմպոզիտոր Կամիլ Սեն-Սանսի «Կենդանիների
պարահանդես» ստեղծագործության օրինակներով աշակերտները
ծանոթանում են նվագարանների ձայնասահմանին՝ ռեգիստրին:
Ստորին՝ թավ ռեգիստրը ներկայացվում է փղի կերպարով (ունկնդ-
րում են «Փիղ» հատվածը⁴³), իսկ վերինը՝ ջրի, որտեղ բազմաթիվ

³⁹ Կոմիտաս, Երկերի լիակատար ժողովածու, հ. 5, Երևան, 1979:

⁴⁰ <https://www.youtube.com/watch?v=GLhaQjyUj30>

⁴¹ <https://www.youtube.com/watch?v=EFd1Vy7Acl0>

⁴² Վարդումյան Կ., Իմ մայր Հայաստան (մանկական երգեր), Երևան, հեղ. հրատ., 2009:

⁴³ <https://www.youtube.com/watch?v=AAOwt65vKV4>

կենդանիներ են լողում (ունկնդրում են «Ակվարիում հատվածը»⁴⁴):

Ունկնդրման ժամանակ կարևոր է երաժշտական արտահայտչական միջոցների և ստեղծագործության բովանդակության կապի բացահայտումը, այսինքն՝ թե ո՞ր արտահայտչամիջոցներով են բնութագրվում փիղը, ծովային կենդանիները, կենգուրուն, իշուկը: Ապա խաղի միջոցով ամրապնդում են հնչերանգի վերաբերյալ գիտելիքները: Ուսուցիչը ներկայացնում է «Կենդանիների պարակահանդեսից» ոչ միայն ծանոթ հատվածները, այլ նաև այն կենդանիներին բնութագրող մասերը, որոնք անծանոթ են սովորողներին: Ուսուցչի հուշող հարցերի օգնությամբ սովորողները պետք է կռահեն կենդանուն:

Երաժշտական արտահայտչամիջոցները՝ հնչերանգները, ներկայացնում ենք՝ աշակերտներին ծանոթացնելով ֆրանսիացի կոմպոզիտոր Կամիլ Սեն-Սանսին և նրա գրած «Կենդանիների պարահանդես» ստեղծագործությանը: Հեղինակը տարբեր նվագարանների հնչողությամբ նկարագրել է տարբեր կենդանիների: Երբ հնչում է երաժշտությունը, սովորողներն իրենց վառ երևակայությամբ պատկերացնում են փղի քայլերը, ծովի (որտեղ լողում են ձկներ և ջրային այլ կենդանիներ) ալիքների ձայնը, կենգուրուին⁴⁵, իշուկի ձայնը⁴⁶: Յուրահատուկ ձևով ներկայացված է իշուկի զռռոցը: Ունկնդրումից հետո աշակերտները պատմում են, թե ինչպիսի հնչերանգ ուներ նշված կենդանիներին բնութագրող երաժշտությունը:

Արփինե Աղաբեկյանի «Ծիածանագույն խաղաղություն» երգով⁴⁷ սովորողներն ավարտում են 2-րդ դասարանը:

Այսպիսով՝ երաժշտական այբուբենին և երաժշտական արտահայտչամիջոցներին ծանոթացում ընդլայնում է աշակերտների մտահորիզոնն ու նրանց պատկերացում երը երաժշտության մասին:

⁴⁴ <https://www.youtube.com/watch?v=v8irMn-plnk>

⁴⁵ https://www.youtube.com/watch?v=jYdbkP6-9_w

⁴⁶ <https://www.youtube.com/watch?v=1W4oTOMuP8E>

⁴⁷ Աղաբեկյան Ա., Ուրախ նոտաներ, Երևան, «ՎՄՎ-ՊՐԻՆՏ» հրատ., 2022:

Երաժշտության ուսուցման մեթոդներ

Երաժշտամանկավարժական գործընթացի արդյունավետությունը մեծ մասամբ կախված է երաժշտության ուսուցման գործընթացում օգտագործվող մեթոդներից: «Մեթոդ» բառը (հունարեն՝ *methodos* բառից) նշանակում է հետազոտման, ուսուցման ուղի, եղանակ, միջոց և մեկնաբանվում է որպես բնության, հասարակության, մտածողության երևույթների և օրինաչափությունների ուսուցման կանոնների ու գործունեության ձևերի համակարգ:

Ուսուցման մեթոդների ընտրությունը պայմանավորված է մի քանի գործոններով՝ աշակերտի երաժշտական գործունեության արդյունավետ կազմակերպմամբ, դասընթացի ուսուցման նպատակով, ուսումնական նյութի յուրահատկությամբ, աշակերտների հնարավորություններով, դասավանդողի պատրաստվածությամբ և այլն:

Ուսուցման հետազոտական մեթոդները նպատակաուղղված են ճանաչողական խնդրի ստեղծագործական լուծմանը, որը սովորողն իրականացնում է ինքնուրույն: Այստեղ կարևոր են սովորողների մտագործունեությունն ու անձնային որակները՝ հաղորդակցումը, պատասխանատվությունը, համագործակցային կարողությունը, թիմային և անհատական աշխատանքի հմտությունները, աշխատասիրությունը, կազմակերպվածությունը և այլն: Ուսումնական հիմնախնդիրների լուծման որոնումներն իրականանում են իրական կյանքից վերցված իրավիճակների հիման վրա: Հետազոտական աշխատանքի ձևերն են նախագծերը, ստեղծագործական աշխատանքը, իրավիճակների մոդելավորումը և այլն:

Սովորողների մտածողության զարգացման միջոցներից է **«Խիկ» համակարգը**: «Խիկ» անվանումը երեք փուլերի անվանումների հապավումն է (խթանում, իմաստավորում, կշռադատում):

Առաջին փուլում (*խթանում*) պարզաբանվում է, թե սովորողները որքանով են պատրաստ նոր նյութի ընկալմանը: Այս փուլում բացահայտվում է աշակերտների ունեցած գիտելիքները՝ ուսուցանվող նոր թեմայի հետ կապված: Դա մտքի նախնական ակտիվացման միջոց է: Այդ աշխատանքները հանդիսանում են այն դրդապատճառը, որի շնորհիվ աշակերտները ձգտում են նոր գիտելիքներ ձեռք բերել: Այս փուլում կարելի է կիրառել «Վեննի դիագրամ», «Մտագրոհ», «Պրիզմա», «Ձևագնդի» կոչվող մեթոդները:

Երկրորդ փուլում (*իմաստավորում*) հաղորդվում է նոր նյութը, հիմնական գաղափարը: Այստեղ ուսուցիչը կիրառում է ուսուցման բազմապիսի մեթոդներ, հնարներ, որոնք կարողանում են պահպանել սովորողների ակտիվությունը, հետաքրքրությունը, ինքնավերահսկումը, նորի և անցածի շաղկապումը և իմացության նոր կառույցի ստեղծումը: Օգտագործվում են հետևյալ մեթոդները. «Հասկացությունների քարտեզագրում», «Տ-աձև աղյուսակ», «Թ-աձև աղյուսակ», «Վեննի դիագրամ», «Այցելություն պատկերասրահ» և այլն:


«Խիկ» համակարգի երրորդ փուլում (*կշռադաստիարակում*) սովորողները յուրացրած նոր գիտելիքները հանրագումարի են բերում՝ դրանք դարձնելով իրենց «սեփականությունը»: Այս փուլում կիրառվում են մեթոդներ, որոնք ակտիվացնում են սովորողների միտքը, ընկալումը, ինքնուրույն արտահայտվելու կարողությունը, նպաստում ստեղծագործական մտածողության զարգացմանը: Դրանք են՝ «Վեննի դիագրամ», «Հասկացությունների քարտեզագրում», «Տ-աձև աղյուսակ» և այլն:

«Խիկ» համակարգը հնարավորություն է տալիս ուսուցչին ավելի հետաքրքիր մատուցել ուսուցման նոր թեման:


«Վեննի դիագրամի» մեթոդը կառուցվում է երկու կամ ավելի շրջանագծերով, որոնք կենտրոնում հատման որոշակի մակերես ունեն:

Այս դիագրամը կարելի է օգտագործել ուսումնասիրվող թեման կամ կերպարները միմյանց հակադրելու կամ դրանց ընդհանրությունը ցույց տալու նպատակով:

Օրինակ՝ երգ և պար ժանրերի ծանոթացման ժամանակ ցույց են տրվում դրանց ընդհանրություններն ու տարբերությունները:



«Մտավոր գրոհի» մեթոդն արտահայտում է սովորողների մտքերը նոր թեմայի շուրջ: Օրինակ՝ «Երաժշտական արտահայտչամիջոցներ» թեման անցնելիս դասի ընթացքում (խթանման փուլում) կարելի է կիրառել այդ մեթոդը: Գրատախտակի կենտրոնում նկարում ենք շրջանակ և մեջը գրում թեման: Աշակերտներն այդ թեմայի մասին ինչ գիտեն, գրում են շրջանակի շուրջը:




Այսպիսով՝ երաժշտական արտահայտչամիջոցներով սովորողները տարբերակում են երաժշտական ստեժագործությունները:

«Պրիզմա» մեթոդը սովորողներին հնարավորություն է տալիս անկաշկանդ մտորելու թեմայի շուրջ: Այդ մեթոդի նպատակն է ներկայացվող նյութի, հասկացության, գաղափարի վերաբերյալ ենթագիտակցական ոլորտի եղած ասոցիատիվ կապերի վերհանում և արձանագրում:

«Պրիզմա» մեթոդը կիրառվում է դասի խթանման փուլում՝ ապահովելով սովորողների ակտիվությունն ու հետաքրքրությունը: Մեթոդը ենթադրում է արագ կողմնորոշում, ուշադրության կենտրոնացում և մասնակիցների համաձայնեցված գործողություններ, օրինակ՝

Թեման՝



Անհատական և խմբային քննարկումների նման ձևը ապահովում է ակտիվությունը, աշխուժությունը, թարմացումը և այլն:

T-աձև աղյուսակն օգտագործվում է միևնույն հասկացության, խնդրի երկու կողմերը համեմատելու համար: Սա գծագրական դասակարգիչ է, որը կարող է կիրառվել անհատապես կամ խմբով աշխատելիս: Իր ձևով T տառը հիշեցնող աղյուսակը կազմված է երկու բաժնից, որտեղ գրանցվում են միևնույն հասկացության, խնդրի հակադիր որակները, դրական կամ բացասական կողմերը:

Օրինակ՝ աշակերտները կարող են անդրադառնալ T-աձև աղյուսակին, երբ բնութագրում են օպերայի կամ բալետի հերոսներին:

Գերդա	Ձյունե թագուհի
բարի գեղեցիկ հարգալից եղբորը սիրող	չար տգեղ դաժան անսիրտ

T-աձև աղյուսակի օգտագործումն արդյունավետ է դասերի տարբեր փուլերի ընթացքում:

m-աձև աղյուսակը ևս գծագրական դասակարգիչ է, կառուցվածքով նման է T-աձև աղյուսակին, որը միևնույն հասկացության, խնդրի վերաբերյալ երեք տարբեր վերաբերմունք (դրական, բացասական, չեզոք) արտահայտելու հարմար միջոց է: Սա երեք բաժնից կազմված աղյուսակ է, որտեղ գրանցվում են միևնույն թեմայի վերաբերյալ դրական, բացասական կամ չեզոք դիրքորոշումները, բերվում են տվյալներ և հիմնավորումներ:

Օրինակ՝ աշակերտները կարող են բնութագրել «Չարի վերջը» օպերայի հերոսներին՝ կկվին, աղվեսին և շանը՝ ընդգծելով բնավորության երեք գծեր:

Կկու	Աղվես	Շուն
վախկոտ միամիտ	խորամանկ խաբեբա	քաջ խելացի

m-աձն աղյուսակը արդյունավետ է դասերի տարբեր փուլերի ընթացքում և տարբեր առարկաներ ուսումնասիրելիս: Այն կարող է գործածվել թե՛ անհատական աշխատանքի, թե՛ խմբային քննարկումների ժամանակ:

**Թեմատիկ պլան
2-րդ դասարան**

<p>Թեմա 1</p>	<p>Երաժշտության պարզ և մատչելի ժանրերը</p> <p>Նպատակը՝ ծանոթություն երաժշտության պարզ ու մատչելի ժանրերին (քայլերգ, երգ և պար), դրանց տեսակներին՝ զինվորական, մանկական քայլերգ, կատակերգ, ժողովրդական և պարահանդեսային պարեր: Տևողություն, ռիթմ, զարկեր, տակտ, տակտի գիծ, հնգագիծ, նոտա, լիգա հասկացություններ:</p> <p>Երգի ուսուցում՝ «Հայոց այբուբեն» (խոսք և երաժշտ.՝ Կ. Վարդումյանի):</p>	<p>8ժ.</p>
	<p>Քայլերգ.</p> <p>Քայլերգի տեսակներ՝ զինվորական և մանկական:</p> <p>Երգի ուսուցում՝ «Զինվոր» (խոսք և երաժշտ.՝ Մ. Սարգսյան-Զինկեզյանի):</p> <p>Յոհան Շտրաուս-Հոր ստեղծագործական դիմանկարը:</p> <p>Ունկնդրում՝ Յ. Շտրաուս-Հայր, «Ռադեցկու քայլերգը», Պ. Չայկովսկի, «Անագե զինվորիկների քայլերգը» «Մարդուկ-Ջարդուկ» բալետից:</p> <p>Երգի ուսուցում՝ հայկական ժողովրդական երգ «Փայտե ձիուկ»:</p> <p>Ունկնդրում՝ Կ. Սեն-Սանս, «Առյուծի քայլերգը» «Կենդանիների պարահանդեսից», Է. Փաշինյան, «Հեծյալը»:</p> <p>Ռիթմական վարժություն՝ «Հեծյալը» (երաժշտ.՝ Է. Փաշինյանի):</p>	<p>2ժ. 1ժ.</p> <p>1ժ.</p>
	<p>Երգ</p> <p>Երգի տեսակներ՝ կատակերգ:</p> <p>Երգի ուսուցում՝ «Ով շատ խոսի» (խոսք՝ ժո-</p>	<p>3ժ. 1ժ.</p>

	<p>ղղվրդական, երաժշտ.՝ Գ. Մելիքսերթյանի): Գեղունի Չթյանի ստեղծագործական դիմանկարը:</p> <p>Երգի ուսուցում՝ «Մեր երգն առաջին» (խոսք՝ Ս. Մուրադյանի երաժշտ.՝ Գ. Չթյանի):</p> <p>«Մեր երգն առաջին» երգի հիման վրա նոտա, ռիթմ, տակտ հասկացությունների բացատրություն:</p> <p>Կոմիտասի ստեղծագործական դիմանկարը: Երգի ուսուցում՝ հայկական ժողովրդական երգ «Հինգ էծ ունեմ»:</p> <p>Նոտաների ուսուցում՝ 1-ին օկտավի մի, ֆա, սոլ նոտաները:</p> <p>Նոտագրություն՝ հայկական ժողովրդական «Հինգ էծ ունեմ» երգ:</p>	<p>1ժ.</p> <p>1ժ.</p>
	<p>Պար</p> <p>Ժողովրդական պարեր՝ պարերգ և մենապար:</p> <p>Երգի ուսուցում՝ հայկական ժողովրդական երգ «Մանրիկ տերևիկ ծաղիկ»:</p> <p>Ունկնդրում՝ «Շուշիկի» (մշակումը՝ Կոմիտասի):</p> <p>Պարահանդեսային պարեր՝ վալս:</p> <p>Յոհան Շտրաուս-Որդու ստեղծագործական դիմանկարը:</p> <p>Շտրաուս-Որդի, Վալս «Երկնագույն Դանուբի վրա»:</p> <p>Դիտում՝ «Երկնագույն Դանուբ» մուլտֆիլմը:</p> <p>«Երաժշտության պարզ և մատչելի տեսակները» թեմայի ամփոփում:</p>	<p>3ժ.</p> <p>1ժ.</p> <p>1ժ.</p> <p>1ժ.</p>
<p>Վերջնա-դրույթներ</p> <p>Աշա-</p>	<p>➤ երաժշտության պարզ և մատչելի տե-</p>	

<p>կերտներն իմանում են</p> <p>կարողանում են</p> <p>տիրապետում են</p>	<p>սակները՝ երգը, պարը և քայլերգը, դրանց տարատեսակները,</p> <ul style="list-style-type: none"> ➤ տևողություն, ռիթմ, տակտ, հնգագիծ, նոտա, լիգա հասկացությունները: <p>➤ կատարել և ներկայացնել երաժշտական մանրանվագներ, մեկնաբանել, հաղորդել, փոխանցել իմաստը, հիմնական գաղափարը,</p> <ul style="list-style-type: none"> ➤ ստեղծել ռիթմական նվագակցություն, ռիթմական շարժումներ, ➤ տարբերել երգի, պարի և քայլերգի տեսակները: <p>➤ երաժշտության պարզ և մատչելի ժանրերին, որոնք տանում են դեպի բարդ ժանրեր,</p> <ul style="list-style-type: none"> ➤ երաժշտական գրագիտությանը (գրել նոտաներ, երաժշտական նշաններ), ➤ հայ և այլազգի կոմպոզիտորների կենսագրությանը: 	
<p>Ենթաթեմա 1</p>	<p><i>Ուր են տանում երաժշտության պարզ և մատչելի ժանրերը</i></p> <p>Նպատակը՝ երեխաներին բացատրել, որ երաժշտության պարզ և մատչելի ժանրերը տանում են դեպի բարդ ժանրեր. օպերա, բալետ և սիմֆոնիա:</p>	<p>7ժ.</p>
	<p>Օպերա</p> <p>Ազատ Մանուկյանի ստեղծագործական դիմանկարը:</p> <p>Ա. Մանուկյանի «Չարի վերջը» օպերան՝ ըստ Հովհաննես Թումանյանի համանուն հեքիաթ-առակի»:</p> <p>Երգի ուսուցում՝ «Թռչունների երգը» Ա. Մանուկյանի «Չարի վերջը» օպերայից:</p>	<p>2ժ.</p>

	<p>Բալետ Տիգրան Մանսուրյանի ստեղծագործական դիմանկարը: Տ. Մանսուրյան, «Ձյունե թագուհին» բալետն ըստ Հանս Բրիստիան Անդերսենի համանուն հեքիաթի»: Ունկնդրում՝ «Սառցե թագավորություն», Տ. Մանսուրյանի «Ձյունե թագուհին» բալետից: Նոտաների ուսուցում՝ 1-ին օկտավի դո, ռե: Ունկնդրում՝ «Մենուետ» Տ. Մանսուրյանի «Ձյունե թագուհին» բալետից:</p>	<p>2ժ.</p>
	<p>Սիմֆոնիա Յոզեֆ Հայդնի ստեղծագործական դիմանկարը: Ունկնդրում՝ հատված Յ. Հայդնի Օբսիորդյան սիմֆոնիայից: Խաղ՝ «Շրջան»: Դիտել «Հայդնի «Մանկական սիմֆոնիա» մուլտֆիլմը: Նոտագրություն՝ հայկական ժողովրդական երգ «Դան, դան, դանեդան»: Ունկնդրում՝ հատված Յ. Հայդնի «Մանկական սիմֆոնիայից»: Երգի ուսուցում՝ «Հա՛ֆ, հա՛ֆ», Ա. Մանուկյանի «Չարի վերջը» օպերայից: Երգի ուսուցում՝ «Ձյուն է, ձյուն» (խոսք և երաժշտ.՝ Մ. Սարգսյան-Չինկեգյանի): «Ուր են տանում երաժշտության պարզ և մատչելի ժանրերը» ենթաթեմայի ամփոփում:</p>	<p>3ժ. 1ժ.</p> <p>1ժ.</p> <p>1ժ.</p>
<p>Վերջնադրույթներ Աշա-</p>	<p>➤ Երգը տանում է օպերա, պարը՝ բալետ,</p>	

կերտներն իմանում են	<p>քայլերգը՝ սիմֆոնիա,</p> <ul style="list-style-type: none"> ➤ մանկական օպերայի, բալետի, սիմֆոնիայի և դրանց հեղինակների մասին: 	
կարողանում են	<ul style="list-style-type: none"> ➤ մեկնաբանել երաժշտական բարդ ժանրերի՝ օպերայի, բալետի և սիմֆոնիայի առանձնահատկությունները, ➤ մեկնաբանել և ներկայացնել մանկական օպերայի կերպարներ: 	
տիրապետում են	<ul style="list-style-type: none"> ➤ օպերայից, բալետից, սիմֆոնիայից հատվածներ վերլուծելու կարողությամբ, ➤ դո-ից սուլ նոտաների գրառմանը: 	

Թեմա 2	Ինչպես է ստեղծվում երաժշտությունը	Ցժ.
Ենթաթեմա 1	<p>Երաժշտական այբուբեն</p> <p>Նպատակը՝ երեխաներին սովորեցնել, որ ինչպես մայրենի լեզուն ունի իր այբուբենը, այնպես էլ երաժշտությունն ունի իր այբուբենը: Ծանոթություն մեղեդի, չափ, պատկազ հասկացություններին:</p>	5ժ.
	<p>Ունկնդրում՝ «Այբ, բեն, գիմ» (խոսք և երաժշտ.՝ Մ. Յորգանցի):</p> <p>Ունկնդրում՝ «Երաժշտական այբուբեն» (խոսք՝ Ն. Միքայելյանի, երաժշտ.՝ Ա. Լուսինյանի):</p> <p>Երգի ուսուցում՝ «Հնչյունաշար» (խոսք և երաժշտ.՝ Հր. Օհանյանի):</p> <p>Նոտագրություն՝ դո հնչյունաշար, ձեռքի նշաններով կատարում:</p>	2ժ.
	<p>Ռոբերտ Պետրոսյանի ստեղծագործական դիմանկարը:</p> <p>Ունկնդրում՝ հայկական ժողովրդական երգ «Հացթուխ»:</p> <p>Երգի ուսուցում՝ «Իմ ձին» խոսք՝ Գ. Բորյա-</p>	2ժ.

	<p>նի, երաժշտ.՝ Ռ. Պետրոսյանի: Պյոտր Չայկովսկու ստեղծագործական դի- մանկարը: Ունկնդրում՝ «Ապրիլ (Ձնծաղիկ)» Պ. Չայ- կովսկու «Տարվա եղանակներ» շարքից: Երգի ուսուցում՝ հայկական ժողովրդական երգ «Ա՛խ, գարո՛ւն է, գարո՛ւն է»:</p> <p>Ունկնդրում՝ «Մայրիկը, գիրքը և հայրենի- քը» (խոսք՝ Ս. Մուրադյանի, երաժշտ.՝ Մ. Վարդազարյանի): Երգի ուսուցում՝ «Ուրախ մայրիկ» (խոսք և երաժշտ.՝ Կ. Վարդումյանի): «Երաժշտական այբուբեն» ենթաթեմայի ամփոփում:</p>	<p>1ժ.</p>
	<p>Հեքիաթ երաժշտություն թագուհու մա- սին</p> <p>Նոտաներով և ձեռքի նշաններով կատա- րում՝ հայկական ժողովրդական երգ «Արև, արև», «Կա՛թ-կա՛թ» (խոսք և երաժշտ.՝ Ա. Գևորգյանի), հայկական ժողովրդական երգ «Նանիկ», «Ջանգակներ» երգի կրկն- երգը (խոսք և երաժշտ.՝ Ջ. Լորդ Փիերպոն- տի), «Զինվոր» երգի առաջին տունը (խոսք և երաժշտ.՝ Մ. Սարգսյան-Չինկեգյանի):</p> <p>Ունկնդրում՝ «Ծաղրածուն և ծաղրաձուն» (խոսք՝ Յ. Սահակյանի, երաժշտ.՝ Ս. Բաբա- թորոսյանի): Երգի ուսուցում՝ «Դո-ռե-մի» («Երաժշտու- թյան հնչյուններ» մյուզիքլից), հայերեն տեքստը՝ Ա. Գևորգյանի, երաժշտ.՝ Ռ. Ռո- ջերսի: Ունկնդրում՝ «Վաչեի ձին» (խոսք՝ Էդ. Ա- վագյանի, երաժշտ.՝ Ս. Նաղդյանի): Նոտագրություն երաժշտական դադարի վերաբերյալ:</p>	<p>3ժ.</p> <p>1ժ.</p> <p>1ժ.</p> <p>1ժ.</p>

	«Ինչպես է ստեղծվում երաժշտությունը» թեմայի ամփոփում	
Վերջնա- դրույթներ		
Աշա- կերտներն իմանում են	<ul style="list-style-type: none"> ➤ Երաժշտական այբուբենը, դո հնչյունա- շարը, սովորում են ձեռքի նշանները, ➤ Երաժշտություն թագուհու հեքիաթի մի- ջոցով սովորում են, որ երգերն արտա- հայտում են որոշակի տրամադրություն, ➤ մեղեդի, չափ, պաուզա հասկացություն- ները: 	
Կարողա- նում են	<ul style="list-style-type: none"> ➤ երգերը կատարել համապատասխան տրամադրությամբ, ➤ երգել և նոտագրել դո հնչյունաշարը, ➤ ձեռքով չափ տալ 2/4 չափում, ➤ երաժշտության մեջ «լսել» երաժշտական դադարը՝ պաուզան: 	
տիրապե- տում են	<ul style="list-style-type: none"> ➤ երաժշտական այբուբենին, դո հնչյունա- շարին, ➤ ձեռքի նշաններով երգելու կարողությա- նը: 	
Ենթաթե- մա 2	Երաժշտական արտահայտչամիջոցներ Նպատակը՝ ծանոթացնել երաժշտական արտահայտչամիջոցներին՝ տեմպ, դինամի- կա, երաժշտության կատարման ձևեր, տեմբր, ռեգիստր:	9ժ.
	Տեմպ, դինամիկա, երաժշտության կատարման ձևեր	4ժ.
	Վոլֆգանգ Ամադեուս-Մոցարտի ստեղծա- գործական դիմանկարը:	1ժ.
	Ունկնդրում՝ Վ.Ա. Մոցարտ, «Օրորոցային»՝ սիմֆոնիկ նվագախմբի կատարմամբ:	1ժ.

	<p>Երգի ուսուցում՝ «Միշտ առույգ» խոսք՝ Լ. Սարգսյանի, երաժշտ.՝ Է. Միհրանյանի: Ռիթմական վարժություն՝ «Ծաղիկների պար»՝ «Մենուետ» Վ.Ա. Մոցարտի «Դոն ժուան» օպերայից:</p> <p>Ռիթմական վարժություն՝ Ա. Խաչատրյան «Ցատկապարան»: Ունկնդրում՝ «Պիցցիկատո» Լ. Դելիբի «Սիլվիա» բալետից: Երգի ուսուցում՝ «Օրորոցային» (խոսք՝ Լ. Միրիջանյանի, երաժշտ.՝ Յ. Բրամսի):</p>	<p>2ժ.</p>
	<p style="text-align: center;">Տեմբր, ռեգիստր</p> <p>Երգի ուսուցում՝ «Փոքրիկներ» հայերեն տեքստը՝ Ա. Գևորգյանի, երաժշտ.՝ էստոնական ժողովրդական: Երգի ուսուցում՝ հայկական ժողովրդական երգ «Կիրակնուտ իրիկունը»: Ունկնդրում՝ Ա. Լյադով, «Երաժշտական զարդատուփ» դաշնամուրով, ապա՝ մանկական նվագարաններով:</p> <p>Երգի ուսուցում՝ «Գույներն ենք մենք» խոսք՝ Հ. Աբրահամյանի, երաժշտ.՝ Կ. Վարդումյանի: Ունկնդրում՝ «Փիղը», «Ակվարիում» Կ. Սեն-Սանսի «Կենդանիների պարահանդես» ստեղծագործությունից: Կամիլ Սեն-Սանսի ստեղծագործական դիմանկարը: Ունկնդրում՝ «Կենգուրու», «Երկարականջ կերպարներ» Կ. Սեն-Սանսի «Կենդանիների պարահանդես» ստեղծագործությունից:</p> <p>Երգի ուսուցում՝ «Ծիածանագույն խաղաղություն» խոսք և երաժշտ.՝ Ա. Աղաբեկյանի:</p>	<p>5ժ.</p> <p>2ժ.</p> <p>2ժ.</p> <p>1ժ.</p>

	«Երաժշտական արտահայտչամիջոցներ» ենթաթեմայի ամփոփում:	
Վերջնա-դրույթներ		
Աշակերտներն իմանում են	<ul style="list-style-type: none"> ➤ Երաժշտական արտահայտչական միջոցները՝ երաժշտության ընթացք, դինամիկա, երաժշտության կատարման ձևեր, տեմբր, ռեգիստր: 	
կարողանում են	<ul style="list-style-type: none"> ➤ վերլուծել ստեղծագործությունը՝ հիմնը-վելով երաժշտական արտահայտչամիջոցների վրա, ➤ ստեղծել կերպարներ, ռիթմական նվագակցություն, ռիթմական շարժումներ: 	
տիրապետում են	<ul style="list-style-type: none"> ➤ երաժշտության արտահայտչամիջոցների վերաբերյալ գիտելիքների, ➤ այնպիսի ստեղծագործությունների մեկնաբանման կարողությանը, որոնցում ցայտուն կերպով արտահայտված են երաժշտական արտահայտչական միջոցները: 	

Օրինակելի դասի պլան 1

Ամիս, ամսաթիվ _____ Դասի տևողությունը՝ 45 րոպե

Առարկա՝ Երաժշտություն _____ Դասարան՝ 2-րդ _____

Ուսուցչի անունը, ազգանունը՝ _____

Դասի տիպը՝ ինտեգրված _____

Հանձնարարված դասի թեման՝ Երգ _____

Հանձնարարությունների հարցում և գնահատում՝ «Հինգ էծ ունեմ», հնգագիծ, սոլի բանալի, տակտ, մի-Ֆա-սոլ նոտաներ:

Նոր դասի թեման՝ Պար _____

Նպատակը՝ սովորողներին ծանոթացնել երաժշտության պարզ տեսակներից պարին և հայկական ժողովրդական պարերին:

Խնդիրները՝ պատմել պարի մասին, ծանոթացնել հայկական ժողովրդական պարերին, Կոմիտասի մշակմամբ ժողովրդական «Շուշիկի» մենապարին:

Դաստիարակչական տարրեր՝ սեր ազգային երաժշտության նկատմամբ, հայրենասիրություն՝ ազգային երաժշտության միջոցով:

Մեթոդական տարրեր՝ խոսքային, բացատրական-ցուցադրական:


Միջառարկայական կապ՝ մարմնակրթություն:

Դասի ընթացքը՝ նախորդ թեմայի ամրապնդում:

Խթանում՝ հարցերի միջոցով պարզել, թե սովորողները ինչ գիտեն պարի մասին:

Իմաստի ընկալում՝ ներկայացնել պար թեման, հայկական ժողովրդական պարերգը և մենապարը (երգի ուսուցում՝ «Մանրիկ տերևիկ ծաղիկ» պարերգ, պարերգին բնորոշ շարժումներով կատարում, դափով նվագակցություն, Կոմիտասի մշակմամբ «Շուշիկի» մենապարի ունկնդրում):

Կշռադատում՝ ինտերակտիվ քննարկմամբ ամփոփել դասի թեման.



Տնային հանձնարարություն՝ ուշադիր լսել շրջապատում հնչող երաժշտությունը՝ ուշադրություն դարձնելով պարերին և հաջորդ դասին ներկայացնել:

Կատարող _____ Ստորագրող _____

Օրինակելի դասի պլան 2

Ամիս, ամսաթիվ _____ Դասի տևողությունը՝ 45 րոպե

Առարկա՝ Երաժշտություն Դասարան՝ 2-րդ

Ուսուցչի անունը, ազգանունը _____

Դասի տիպը՝ ինտեգրված

Հանձնարարված դասի թեման՝ Պար _____

Հանձնարարությունների հարցում և գնահատում պարը որպես երաժշտության մատչելի ժանր, «Մանրիկ տերևիկ» պարերգ, «Շուշիկի» մենապար:

Նոր դասի թեման՝ Պար _____

Նպատակը՝ սովորողներին ծանոթացնել պարահանդեսային վալս պարին:

Խնդիրները՝ պատմել վալսի մասին, ծանոթացնել Յոհան Շտրաուս-Որդու ստեղծագործական դիմանկարին, դիտել մուլտֆիլմ:

Դաստիարակչական տարրեր՝ հարգանք և հետաքրքրություն սերմանել պարահանդեսային պարերի նկարմամբ, ձևավորել միջմշակութային հաղորդակցման տարրեր:

Մեթոդական տարրեր՝ խոսքային, բացատրական-ցուցադրական:


Միջառարկայական կապ՝ մարմնակրթություն:

Դասի ընթացքը՝ նախորդ թեմայի հարցում:

Խթանում՝ հարցերի միջոցով պարզել, թե սովորողները ինչ գիտեն այլ ժողովուրդների պարերի մասին:

Իմաստի ընկալում՝ ներկայացնել պարահանդեսային վալս պարը, ծանոթություն Յոհան Շտրաուս-Որդու կենսագրությանը, «Երկնագույն Դանուբի վրա» վալսի ունկնդրում, վալսի երաժշտության հիման վրա նկարված մուլտֆիլմի դիտում):

Կշռադատում՝ ինտերակտիվ քննարկմամբ ամփոփել դասի թեման.



Տնային հանձնարարություն՝ ուշադիր լսել շրջապատում հնչող երաժշտությունը՝ առանձնացնելով այլ ժողովուրդների պարեղանակները և հաջորդ դասին ներկայացնել:

Կատարող _____ Ստորագրող _____

Գնահատման համակարգ

Երաժշտության ուսուցման և դասավանդման գործընթացում գնահատումը առաջարկվում է կատարել ըստ գործունեության տեսակների, ապա միջինացնել՝ ձևավորելով ամփոփիչ գնահատականը:

Հիմնվելով ՀՀ «Հանրակրթության մասին» օրենքի 30-րդ հոդվածի 1-ին մասի 26.17-րդ կետում ներկայացված «Պետական հանրակրթական ուսումնական հաստատությունների սովորողների գնահատման չափանիշների», հայտորոշիչ, ձևավորող, ամփոփիչ միավորային գնահատման բնութագրիչների վրա (պաշտոնական հրապարակման օրը՝ 28.02.2023թ), ինչպես նաև «ԿԶՆԱԿ»-ի և «ԿՏԱԿ»-ի համատեղ մշակված ձևավորող գնահատման սկզբունքների վրա, առաջարկում ենք հանրակրթական դպրոցի «Երաժշտություն» առարկայի դասերին կիրառել գնահատման հետևյալ բազմագործոն համակարգն՝ ըստ երաժշտական գործունեության տեսակների:

Գնահատման համար ուսուցիչը, կամ դպրոցի տնօրինությունը կարող է ընտրել ներկայացված միավորային, բառային կամ գունային ձևը, ըստ ցանկության (այդ մասին տե՛ս օրենքում):

	Երգեցողություն	Երաժշտության ունկնդրում	Երաժշտաոթիթմական և պարային շարժում	Նվագմանկական նվագարաններով	Երաժշտատեսական և երաժշտապատմական գիտելիքներ	Ստեղծագործում
10 միավոր. բացառիկ կարմիր:	Կատարում է բացառիկ մաքուր, ճշգրիտ, արտահայտիչ:	Բացառիկ ճշգրտորեն, զհտակցված է մեկնաբանում ժանրը, արտահայտչամիջոցները:	Կատարում է մետրաոթիթմական առանձնահատկությունների ճշգրիտ ըմբռնմամբ, երաժշտությանը համահունչ:	Ուղեկցությունն իրականացնում է բացառիկ ճշգրիտ, առաջադրանքին համապատասխան:	Ճիշտ և ըմբռնումով լիարժեք մեկնաբանում է տեսական հասկացությունները, կարողանում է դրանք գործնականում կիրառել: Կոմպոզիտորների ստեղծագործական դիմանկարները ներկայացնելիս հիմնվում է իրեն արդեն ծանոթ փաստերի վրա:	Ստեղծում է երգեր /խոսքեր, մեղեդի/ առաջադրված հանձնարարությանը համապատասխան պահպանելով հանգավորումը և երգի տողերի համասնությունը:
9 միավոր. փայլուն. նարնջագույն:	Կատարում է մաքուր, գրեթե անսխալ, արտահայտիչ:	Աննշան սխալներով, ըմբռնումով, հիմնականում ճիշտ է մեկնաբանում ժանրը և արտահայտչամիջոցները:	Կատարում է գրեթե անսխալ՝ երկի մետրաոթիթմական առանձնահատկությունների ճիշտ ընկալմամբ:	Ուղեկցությունն իրականացնում է հիանալի, ճշգրիտ, ըմբռնումով, առաջադրանքին համապատասխան:	Ճիշտ և ըմբռնումով մեկնաբանում է տեսական հասկացությունները, գործնականում կարողանում է դրանք կիրառել: Կոմպոզիտորների ստեղծագործական դիմանկարները կարողանում է ճշգրիտ և համոզիչ ներկայացնել:	Ստեղծում է երգեր /խոսքեր, մեղեդի/ առաջադրված հանձնարարությանը համապատասխան պահպանելով հանգավորումը, բայց երգի տողերի համասնության որոշ խախտումով:

<p>8 միավոր. հիանալի. դեղին:</p>	<p>Կատարում է մաքուր, աննշան անճշտություններով, արտահայտիչ:</p>	<p>Գրեթե անսխալ, հիմնականում ճիշտ է մեկնաբանում ժանրը և արտահայտչամիջոցները:</p>	<p>Կատարում է աննշան սխալներով՝ երկի մետրառիթմական առանձնահատկությունների ճիշտ ընկալմամբ:</p>	<p>Ուղեկցությունն իրականացնում է խորն ըմբռնումով, ճշգրիտ, առաջադրանքին համապատասխան:</p>	<p>Ճիշտ և ըմբռնումով մեկնաբանում է տեսական հասկացությունները, գործնականում գրեթե անսխալ կարողանում է դրանք կիրառել: Կոմպոզիտորների ստեղծագործական դիմանկարները ներկայացնում է համոզիչ մեկնաբանությամբ:</p>	<p>Ստեղծում է երգեր/խոսքեր, մեղեդի/առաջադրված հանձնարարությանը համապատասխան չպահպանելով հանգավորումը և երգի տողերի համամասնությունը:</p>
<p>7 միավոր. գերազանց. կանաչ:</p>	<p>Կատարում է մաքուր, արտահայտիչ, բայց որոշ անճշտություններով:</p>	<p>Որոշ անճշտություններով է մեկնաբանում ժանրը և արտահայտչամիջոցները:</p>	<p>Կատարում է հիմնականում անսխալ՝ երկի մետրառիթմական առանձնահատկությունների ճիշտ ընկալմամբ:</p>	<p>Ուղեկցությունն իրականացնում է ճշգրիտ, երաժշտությունը զգալով, առաջադրանքին համապատասխան:</p>	<p>Ճիշտ և ըմբռնումով մեկնաբանում է տեսական հասկացությունները, գործնականում կարողանում է հիմնականում անսխալ կիրառել: Կոմպոզիտորների ստեղծագործական դիմանկարները ներկայացնում է գերազանց:</p>	<p>Դժվարությամբ է ստեղծում երգեր/խոսքեր, մեղեդի/առաջադրված հանձնարարությանը համապատասխան՝ չի պահպանում հանգավորումը և երգի տողերի համամասնությունը:</p>
<p>6 միավոր. կեցցես. երկնագույն:</p>	<p>Կատարում է հնարավորինս մաքուր, որոշ անճշտություններով, բայց պակաս արտահայտիչ:</p>	<p>Ճիշտ է մեկնաբանում ժանրը և արտահայտչամիջոցները՝ թույլ տալով որոշ սխալներ:</p>	<p>Կատարում է ոչ զգալի սխալներով՝ երկի մետրառիթմական առանձնահատկությունների հիմնականում ճիշտ ընկալմամբ:</p>	<p>Ուղեկցությունն իրականացնում է ճիշտ զգալով երաժշտությունը, առաջադրանքին համա-</p>	<p>Ճիշտ և ըմբռնումով մեկնաբանում է տեսական հասկացությունները, գործնականում կարողանում է քիչ սխալներով կիրառել: Կոմպոզիտորների</p>	<p>Դժվարանում է ստեղծել երգեր/խոսքեր, մեղեդի/առաջադրված հանձնարարությանը համապատասխան:</p>

				պատասխան:	ստեղծագործական գործունեությունը մեկնաբանում է ճիշտ:	
5 միավոր. ապրես. կապույտ:	Կատարում է ոչ այնքան մաքուր, անճշտություններով, միօրինակ:	Ոչ լիարժեք և ոչ ճիշտ է մեկնաբանում ժանրը, արտահայտչամիջոցները, թեպետ ըմբռնել է ստեղծագործության բովանդակությունը:	Կատարում է որոշ սխալներով, բայց երկի տրամադրության ճիշտ ընկալմամբ և փոխանցմամբ:	Ուղեկցությունն իրականացնում է հիմնականում ճշգրիտ, առաջադրանքին համապատասխան:	Ճիշտ և գրեթե անսխալ մեկնաբանում է տեսական հասկացությունները, կոմպոզիտորների ստեղծագործական ուղին մեկնաբանում է հիմնականում ճիշտ:	Դժվարանում է ստեղծել երգեր /խոսքեր, մեղեդի/ առաջադրված հանձնարարությանը համապատասխան:
4 միավոր. շատ լավ. մանուշակագույն	Կատարում է սխալներով, միօրինակ, առանց զգացմունքների:	Ճիշտ չի մեկնաբանում ժանրը և արտահայտչամիջոցները, թեպետ հիմնականում ըմբռնել է ստեղծագործության բովանդակությունը:	Կատարում է սխալներով, բայց երկի տրամադրության ճիշտ ընկալմամբ:	Ուղեկցությունն իրականացնում է սխալներով՝ խախտելով առաջադրաքի պահանջները:	Մխալներով մեկնաբանում է տեսական հասկացությունները, գործնականում կիրառում է սխալներով: Կոմպոզիտորների ստեղծագործական դիմանկարները ներկայացնում է ոչ լիարժեք:	Դժվարանում է ստեղծել երգեր /խոսքեր, մեղեդի/ առաջադրված հանձնարարությանը համապատասխան:
3 միավոր. լավ. վարդագույն:	Կատարում է զգալի սխալներով, միօրինակ, առանց զգացմունքային մեկնաբանության:	Չի կարողանում ճիշտ մեկնաբանել ժանրը և արտահայտչամիջոցները, որովհետև ուշադիր չի եղել	Կատարում է զգալի սխալներով, բայց երկի տրամադրության որոշ ճիշտ ընկալմամբ:	Ուղեկցությունն իրականացնում է զգալի սխալներով:	Հիշողությամբ վերարտադրում է երաժշտատեսական հարցերի գրեթե կեսը, դրանք գործնականում դժվարանում է կիրառել:	Դժվարանում է ստեղծել երգեր /խոսքեր, մեղեդի/ առաջադրված հանձնարարությանը համապատասխան:

		մեկնա- բանությունների ժամանակ:			Կոմպոզիտորների ստեղծագործական դիմանկարները ներկայացում է առանց երեվույթների մեջ խորանայու:	
2 միավոր. պակաս լավ. շագանակագույն:	Կատարում է զգալի սխալներով, միօրինակ, առանց զգացմունքների, առանց տրամադրու- թյան փոխանցման:	Ճիշտ չի մեկ- նաբանում ժանրը և արտահայտ- չամիջոցները, քանի որ պակաս ուշադրությամբ է լսել բացատրու- թյունները:	Կատարում է զգալի սխալներով, երաժշտական երկի տրամադրությունը չզգալով:	Ուղեկցու- թյունն իրականաց- նում է զգալի սխալներով, երաժշտու- թյանն աններդաշ- նակ:	Հիշողությամբ վերարտադրում է երաժշտատեսական թեմաների որոշ հարցեր, գործնակա- նում դժվարությամբ է կիրառում: Կոմպոզիտորների ստեղծագործական դիմանկարները ներկայացում է մակե- րեսորեն:	Ստեղծագործական աշխանքներում պասիվ է:
1 միավոր. բավարար. մոխրագույն:	Կատարում է գրեթե շնջալով, անլսելի, առանց իմաստի հաղորդման:	Անուշադիր է եղել ունկնդրման ժամանակ և չի հասկացել ստեղծագոր- ծության բովանդակու- թյունը:	Կատարում է սխալներով, երաժշտությանը ոչ համահունչ:	Ուղեկցու- թյունն իրականաց- նում է զգալի սխալներով, որոնք խաթարում են երաժշտու- թյան ընթացքը:	Ճանաչում է երաժշտատեսական նյութի որոշ պարզ հասկացություններ, բայց չի կարողանում բացատրել և գործնա- կանում կիրառել: Կոմպոզիտորների ստեղծագործական գործունեության մասին մասին ունի մոտավոր պատկերա- ցումներ:	Ստեղծագործական աշխանքներում պասիվ է և խուսափում է մասնակցությունից:

Զինվոր

Խոսք և երաժշտ.՝
Մարի Սարգսյան-Զինկեյան

Խորհիստ

5

9

Զին-վոր, զին-վոր քաջ՝ Դու քաջ-լիր ա - ռաջ, Ծա-ծա-նիր դը - րո - շն

15

1. հայ - կա - կան: 2. հայ - կա - կան:

8 J

8 J

19

եր - գե-րով, քայ - ռե-լով՝ Համար-ձակ, ան - վախ՝ Մեր պա-պե-րի տու - նը

25

Դու պա-հիր խա - դաղ: Եր - գե-րով, քայ - լե-րով՝ Համար-ձակ, ան - վախ՝

31

1. Մեր պա-պե-րի տու - նը Դու պա-հիր խա-դաղ: 2. տու - նը Դու պա-հիր խա-դաղ:

Հայաստան երկրի,
 Հայ ժողովրդի
 Ու վաղվա կյանքի
 Պաշտպանն ես դու:
Կրկներգ

Մեր երգն առաջին

Խոսք՝ Ս. Մուրադյանի

Գ. Զթճյան

Չափավոր

Մենք ու - ռախ գը -

վարձ նրա - տել ենք դա - սի, սո - վո - թում ենք մենք

նոր երգ մի - ա - սին. դո, ռե, մի, ֆա, սոլ, լա, սոլ, եր - գում ենք նո -

տա - նե - թով, դո, ռե, մի, ֆա, սոլ, լա, սոլ, եր - գում ենք սի - թով:

The musical score is written in 2/4 time and consists of four systems. Each system includes a vocal line and a piano accompaniment. The piano part features a consistent eighth-note accompaniment in the right hand and a bass line in the left hand. Dynamics include *mf* (mezzo-forte). The lyrics are in Armenian and describe a song dedicated to a loved one, mentioning a wedding and a new song.

Երգի դասն այնպես
Ուրախ է անցնում,
Մեր այս նոր երգն է
Գեղեցիկ հնչում:

Կրկներգ

Ինչքան էլ երգեր
Կյանքում սովորենք,
Առաջին երգն այս
Մենք միշտ կհիշենք:

Կրկներգ

Թռչունների երգը

Խոսք՝ Հ. Թումանյանի

Ա. Մանուկյան

Չափավոր *p* Աղավախ

Ղու,ղու,ղու, ա,ղու,ղու, նակ,նակ,նակ

8 *f* Կաշաղակը

ա - ղու - նակ: Թռռռ... Չա, չա, չա, կա - կա - կա -

12

ղակ, ղակ, չա, կա - չա - ղակ: Թռռռ...

Արագ

15 Թռչունները

Ծիտ ենք, ծիտ ենք, ծղլ - վը - լում ենք ծիվ, ծիվ, ծիվ,

8

Musical score for measures 15-18. The vocal line is in the treble clef with a key signature of one flat and a 4/8 time signature. The piano accompaniment consists of two staves: the upper staff in the treble clef and the lower staff in the bass clef. A fermata is placed over the piano accompaniment in measure 16.

19

ոս - տոս-տում ենք, թըռչ - կո - տում ենք, տիվ, տիվ, տիվ:

8

Musical score for measures 19-22. The vocal line is in the treble clef with a key signature of one flat and a 4/8 time signature. The piano accompaniment consists of two staves: the upper staff in the treble clef and the lower staff in the bass clef. A fermata is placed over the piano accompaniment in measure 20.

23

Այ մեր թև - իկ, այ մեր փետ-րիկ մենք պիտ դառ-նանք փոք -րիկ ծի - տիկ;

8

Musical score for measures 23-26. The vocal line is in the treble clef with a key signature of one flat and a 4/8 time signature. The piano accompaniment consists of two staves: the upper staff in the treble clef and the lower staff in the bass clef. A fermata is placed over the piano accompaniment in measure 24.

27

Փոք -րիկ ծիտ եմ պի - ծի, - սի - ծիկ: Թըռռ...

8

Musical score for measures 27-30. The vocal line is in the treble clef with a key signature of one flat and a 4/8 time signature. The piano accompaniment consists of two staves: the upper staff in the treble clef and the lower staff in the bass clef. A fermata is placed over the piano accompaniment in measure 28. The word "bliss" is written above the vocal line in measure 29. The score ends with a double bar line in measure 30.

Հաֆ, հաֆ

Խոսք՝ Զ. Թումանյանի

Ա. Մանուկյան

Հանդարտ

Շունը գարթնում է:

Հաֆ, հաֆ, հաֆ, հաֆ, ա - հա այս - պես հա-չում եմ

7

ես, հաֆ, հաֆ, հաֆ, հաֆ, ու տուննայս - պես պահում եմ ես:

12

Թե գա մեզ մոտ մի հին ծա - կոթ, մոտն եմ վազ-զում, պո - չըս շար-ժում.

16

բայցթե մի գող, չարկա-մե-ցող ու-զի թա-քուն և ըստ-նի մեր տուն... Հաճ,

22

հաճ, հաճ, հաճ, ա - հա այս - պես հա - չում եմ ես, հաճ,

26

հաճ, հաճ, հաճ, ա - հա այս - պես պա-հում եմ ես, հաճ,

30

հաճ, հաճ, հաճ, հաճ, հաճ, հաճ, հաճ, հաճ:

Հնչյունաշար

Խոսք և երաժշտ.
Հր. Օհանյանի

Ուրախ, չափավոր

mf

5
Ղո, ռե, մի, ֆա, սոլ, լա, սի, դո Յըն - չյուն - ներ,

9
Ղո, սի, լա, սոլ, ֆա, մի ռե, դո Ջա - նիկ - ներ. Բար-ձրա-նում ենք

14
և իջ-նում ենք ծար - քե - թով. Միշտ լըց-նում եք իմ սիր-տը ձեր

19

եր - գե - ռով: Լա, լա, լա, լա, լա

mf

24

Da capo

լա, Լա, լա, լա, լա, լա, լա:

p

Դո, ռե, մի ֆա, սոլ, լա, սի, դո,
 Հնչյուններ,
 Դո, սի, լա, սոլ, ֆա, մի, ռե, դո,
 Ջանիկներ.
 Երբ ձեզ հետ եմ, ես չեմ տխրում
 Ոչ մի ժամ,
 Ուրախ երգն է միշտ ինձանից
 Անբաժան:

Լա, լա, լա, լա, լա, լա,
 Լա, լա, լա, լա, լա, լա,

Իմ ձիս

Խոսք՝ Գ. Բորյանի

Ռ. Պետրոսյան

Չափավոր

Ձի, ձի, փայ - տե ձի, Մեր դը - ռա - նը կա - պե - ցի,

Սի - բուն սի - բուն ներ - կե - ցի, Հե - տո նը - բան թամ - բե - ցի...

Ով որ ու - նի այս - պես ձի, Թող գա ինձ հետ նա մըր - ցի:

13

Ով որ ու - նի այս - պես ձի, թող գա ինձ հետ նա մըր - ցի:

Դո ռե մի

Հայերեն տեքստը՝ Ա. Գևորգյանի

Ռ. Ռոջերս

Աշխույժ

Դո, ա - ռևն է շող - շո - դում,

Ռե, առ - վակն է կար - կա - չում,

Մի, բա - մին մեղ - միկ խա - դում, Ֆա, ծա - ռերնե օ - ղո - ղում:

18

Սուլ, եր - կին - քը կա-պու - տակ,

23

Լա, ժըպ-տում է շա-րու-նակ, Սի, սա - ռե - ռիգա-գա-թին

30

Փայլ - փը - լում է սպի - տակ ձյու - նը կըր - կին:

35

Դո սի սի սի սուլ սուլ ոն ֆա ֆա լա սի սի:

39

Uոլ, դո, լա, ֆա, մի, դո, ռե,

This system contains measures 39 through 45. The vocal line consists of a single melodic line with lyrics. The piano accompaniment features a steady eighth-note bass line in the left hand and chords in the right hand.

46

սոլ, դո, լա, սի, դո, ռե,

This system contains measures 46 through 52. The vocal line continues with a single melodic line and lyrics. The piano accompaniment maintains the same rhythmic pattern as the previous system.

53

դո: դո, ռե, մի, ֆա, սոլ, լա, սի, դո, սոլ, դո:

This system contains measures 53 through 58. The vocal line begins with a fermata on the first measure, followed by a melodic line with lyrics. The piano accompaniment includes a key signature change to two flats (B-flat and E-flat) and a time signature change to 2/4.

Օրորոցային

Հայերեն տեքստը՝ Լ. Միրիջանյանի

Յ. Բրամս

Քնքուշ

Մութներն - կավ աշխար - հին, Բե-րեց

6 բուն ու դա - դար, Բը-նիր դու էլ, ան - գին, Մին-չև լույս հան-գիստ

11 առ: ես օ - թոր կա-սեմ քեզ, Որ շու - տով դու քը -

15 նես: ես օ - թոր կա-սեմ քեզ, Որ շու - տով դու քը - նես:

Լուսինն իր շողերով
 Քեզ քնքուշ կշռի,
 Ծովն անվերջ իր երգով
 Քեզ խաղաղ կօրրի:
 Ես օրոր կասեմ քեզ,
 Որ շուտով դու քնես:

2 անգամ

Փոքրիկներ

Հայերեն տեքստը՝ Ա. Գևորգյանի

Էստ. ժող. երգ
 Մշ.՝Ս. Պոլատենկոյի

Աշխույժ, եռանդուն

5 Ռևուցիչ
 Հա - վաք - վե՛ք, փոք - ռիկ - ներ, ըս - կը - սում ենք մեր խա - դը:

9 Հա - վաք - վե՛ք, փոք - ռիկ - ներ, ըս - կը - սում ենք մեր խա - դը:

13 Աշակերտներ
 Մեր շը - նի - կը հա - չում է՝ հա՛՛ֆ, հա՛՛ֆ, հա՛՛ֆ,
 խո - գու - կը խըռ - խըռում է՝ խը՛ռ, խը՛ռ, խը՛ռ,

17

Իսկ փի - սի - կը մը - լա - վում՝ մյառ՛ւ, մյառ՛ւ, մյառ՛ւ:
 Իսկ հոր - թու - կը մա - յում է՝ մո՛ւ, մո՛ւ, մո՛ւ:

21

Ուսուցիչ.

Սիրելի՛ փոքրիկներ, շարունակում ենք խաղը:

Աշակերտներ.

Գորտերը կռկռում են՝ կըռ-կըռ-կըռ,
 Բադիկները՝ կռնչում՝ ղա-ղա-ղա,
 Ծիսիկը ծվվում է՝ ծիվ-ծիվ-ծիվ,
 Ճանապարհին թռչկոտում՝ թըռ-թըռ-թըռ:

Ուսուցիչ.

Սիրելի՛ փոքրիկներ, ավարտեցինք մեր խաղը:

ՕԳՏԱԳՈՐԾՎԱԾ ԳՐԱԿԱՆՈՒԹՅՈՒՆ

1. Աղաբեկյան Ա., Ուրախ նոտաներ, Երևան, «ՎՄՎ-ՊՐԻՆՏ» հրատ., 2022:
2. Ամատունի Ս., Երաժշտական գրականություն VII, Երևան, 2008:
3. Արտուտիկ (մանկական երգեր), կազմող՝ Վ. Վարդանյան, Երևան, «Արևիկ» հրատ., 1988:
4. Բարսամյան Ա., Հարությունյան Մ., Հայ երաժշտության պատմություն, Երևան, «Նոր դպրոց» հրատ., 1996:
5. Բաղդասարյան Մ., Ռուս երաժշտության պատմություն (ուսումնական ձեռնարկ), 2-րդ հրատ., Երևան, «Լուսակն» հրատ., 2022:
6. Բզեզը (մանկական երգեր դաշնամուրի նվագակցությամբ), Երևան, «Հայաստան» հրատ. 1974.
7. Բրուտյան Ա., Ռամկական մրմունջներ, Երևան, 1979:
8. Բրուտյան Մ., Հայ ժողովրդական երաժշտական ստեղծագործություն, Երևան, 4-րդ հրատ., 2014:
9. Բրուտյան Ց., Կոմիտաս, Երևան, «Հայաստան» հրատ., 1969:
10. Գալացկայա Վ., Արտասահմանյան երկրների երաժշտական գրականություն, թարգմ.՝ Ռ. Խաչատրյանի, հտ. 1, Երևան, «Էդիթ Պրինտ» հրատ., 2021:
11. Գալացկայա Վ., Արտասահմանյան երկրների երաժշտական գրականություն, թարգմ.՝ Ռ. Խաչատրյանի, հտ. 3, Երևան, «Էդիթ Պրինտ» հրատ., 2021:
12. Գյոդակյան Գ., Էջեր հայ երաժշտության պատմությունից, Երևան, 2009:
13. Գևորգյան Ա., Երաժշտամանկավարժական տեխնոլոգիաներ (ուսումնամեթոդական ձեռնարկ), Երևան, «Արտագերս» հրատ., 2015:

14. Գևորգյան Ա., Ռիթմիկա (մեթոդական ձեռնարկ), Երևան, «Մեկնարկ» հրատ., 2022:
15. Գևորգյան Ա., Ռիթմիկա (մեթոդական ձեռնարկ), մաս II, Երևան, «Մեկնարկ» հրատ., 2022:
16. Դեմուրյան Ս., Հայ ժողովրդական երգեր և նվագներ, պրակ 9, Երևան, «Ամրոց գրուպ» հրատ., 2013:
17. Մարկոսյան Հ., Եսայան Ռ., Երաժշտության աշխարհում. բալետ, Երևան, «Արևիկ» հրատ., 2007:
18. Երգե՛, բլբուլս (հայկական ժողովրդական մանկական երգեր), կազմող-խմբագիր՝ Ա. Փահլևանյան, Երևան, «Ամրոց գրուպ» հրատ., 2019:
19. Թումանյան Մ., Հայրենի երգ ու բան, 4 հատորով. հ. 1, Երևան, ՀՀ ԳԱ հրատ. 1972. հ. 2, 1983. հ. 3, 1986. հ. 4, «Զանգակ» հրատ., 2005:
20. Լուսինյան Ա., Խաղ, երգ ու պարերի աշխարհ, Երևան, «Տիգրան Մեծ» հրատ., 1996:
21. Լևիկ Բ., Արտասահմանյան երկրների երաժշտական գրականություն, թարգմ.՝ Ռ. Խաչատրյանի, հտ. 2, Երևան, «Էդիթ Պրինտ» հրատ., 2021:
22. Կաքավիկ (մանկական երգերի ժողովածու), կազմող՝ Ա. Շահնազարյան, Երևան, «Մխիթար Սեբաստացի» կրթահամալիր, 2008:
23. Կոմիտաս, Երկերի լիակատար ժողովածու, հհ. 1-14, Երևան, 1960-2006:
24. Կոմիտաս վարդապետ, Ուսումնասիրություններ և յօդուածներ, 2 գրքով, գիրք Բ, Երևան, «Սարգիս Խաչենց», «Փրինթինֆո», 2007:
25. Հայ ժողովրդական երաժշտական ստեղծագործություն ուսումնական ձեռնարկ, կազմող Գ. Մելիքսեթյան, Երևան, հեղ. հրատ., 2022:
26. Մանուկյան Ա., Չարի վերջը (մանկական օպերա), Երևան, 1958:
27. Մանուկյան Մ., Ժողովրդական ավետիսներ, Մայր Աթոռ Ս.

- Էջմիածին, 1995:
28. Մանուկյան Մ., Մարտունու շրջանի ժողովրդական երգեր, Երևան, ՀՀ ԳԱԱ, 1997:
 29. Յուզբաշյան Յու., Ավետիսյան Վ. «Երաժշտություն» առարկայի հանրակրթական դպրոցի չափորոշիչ և ծրագիր, Երևան, «Տիգրան Մեծ» հրատ., 2007.
 30. Յուզբաշյան Յու., Փահլևանյան Ա., Երաժշտությունը 1-4-րդ դասարաններում (ուսուցչի մեթոդական ձեռնարկ), Երևան, «Մակմիլան Արմենիա» հրատ., 2011:
 31. Յուզբաշյան Յու., Փահլևանյան Ա., Երաժշտություն (2-րդ դասարանի դասագիրք), Երևան, «Զանգակ» հրատ., 2021:
 32. Մանկական երգարան. պարերգ. առաջին տասնյակ, գրառող, բանահյուսական-բանաստեղծական տեքստը մանկական տարիքի համար փոխադրող և կազմող՝ Արուսյակ Սահակյան, Երևան, «Նորք գրատուն» հրատ., 2003:
 33. Պետրոսյան Ռ., Խմբերգերի ընտրանի (մանկական), գիրք երկրորդ, Երևան, «Ֆենոմեն» հրատ., 2009:
 34. Պետրոսյան Ռ., Խմբերգեր, գիրք 1, Երևան, «Ֆենոմեն» հրատ., 2009. գիրք 2, 2011. գիրք 3, 2012:
 35. Պետրոսյան Ռ., Խմբերգեր, Երևան, «Ամրոց գրուպ» հրատ., 2015:
 36. Սարաջյան Գ., Ումր-Շատ Վ., Դաշնամուրի ձեռնարկ. I և II մասեր: Խմբագիր՝ Գ. Բուդաղյան, Երևան, «Հայաստան» հրատ., 1973, 1978:
 37. Սարգսյան-Չինկեզյան Մ., Փոքրիկ աշխարհ (երգարան), Երևան, «Անտարես» հրատ., 2020:
 38. Սովետական Հայաստանի երաժշտությունը. հողվածների ժողովածու, կազմող՝ Ա. Թադևոսյան, Երևան, «Հայաստան» հրատ., 1973:
 39. Վարդունյան Կ., Իմ մայր Հայաստան (մանկական երգեր), Երևան, հեղ. հրատ., 2009:
 40. Վարդունյան Կ., Գունդիրեններ Ն. և Օ., Երգերի, երաժշտական

- խաղերի ընտրանի, Երևան, հեղ. հրատ., 2021:
41. Օհանյան Հ., Դպրոցական երգեր (դաշնամուրի նվագակցությամբ), Երևան, «Լոյս» հրատ., 1975:
 42. Абдуллин Э.Б., Николаева Е.В. Теория музыкального образования. Москва: Академия, 2004.
 43. Геворкян А.М. Формирование слушательской компетенции бакалавров в процессе музыкально-педагогического образования: дисс. канд. пед. наук по ВАК РФ 13.00.02. – Тамбов: 2009.
 44. Жак-Далькроз Э. Ритм. - Москва: Издательский дом «КЛАССИКА-XXI», 2010. - 248 с., ил.
 45. Золотова И. Л., Детская музыка современных армянских композиторов, Ереван, изд «Мегапарт» 1 991.
 46. Школяр Л.В. Музыкальное образование в школе: Учебное пособие для студ. муз. фак. и отд. высш. и сред. пед. учеб. заведений / Под. ред. Л.В. Школяр, В.А. Школяр, Е.Д. Критская и др. Москва: Академия, 2001.
 47. Программы общеобразовательных учреждений. Музыка 1-8 классы / Под руководством Д.Б. Кабалевского; 4-е издание. Москва. Изд. Просвещение, 2007.
 48. Orff, Carl. Ein Bericht in Wort und Bild, 2 Aufl. Mainz, 1960.
 49. <https://escs.am/am>
 50. <https://komitasmuseum.am/>
 51. <https://possum.ru/?p=14847>
 52. <https://www.belcanto.ru/>

ԲՈՎԱՆ ԴԱԿՈՒԹՅՈՒՆ

Առաջարան.....	3
1-ին կիսամյակ, թեմա 1. Երաժշտության պարզ և մատչելի ժանրերը....	4
1-ին կիսամյակ, ենթաթեմա 1 Ո՞ր են մեզ տանում երաժշտության պարզ ու մատչելի ժանրերը.....	15
2-րդ կիսամյակ, թեմա 1 Ինչպես է ստեղծվում երաժշտությունը (երաժշտական այբուբեն).....	19
2-րդ կիսամյակ, ենթաթեմա 1. Երաժշտության արտահայտչամիջոցներ.....	24
Երաժշտության ուսուցման մեթոդներ.....	32
Թեմատիկ պլան.....	38
Դասի օրինակելի պլան.....	47
Գնահատման համակարգ.....	51
Հավելված.....	56
Օգտագործված գրականություն.....	74